

左粹類纂

枹







左粹類纂卷之五

吳會施仁編集

維揚孫應鰲批點

河東任養心校閱

議論

議論在廟堂則天下享其福春秋諸臣禮  
有議樂有議事之利害人之臧否亦各有  
議天下未嘗一日無公論也故雖戰無虛  
歲而世道賴以不墜多夫人之力與乃若  
號射主閉糴之議而君見獲子駟主從楚





○  
後

樂  
之數亦且知樂  
之義

之議而國弗寧伯宗好直懼人之治張趯  
有知顯君之失則不能無遺論

○周

伶州鳩論鑄鍾 國語

王景將鑄無射而爲之大林無射鍾名大林其覆也問之伶州鳩

對曰臣之守官弗及也不及臣聞之琴瑟尚宮從大鍾尚

羽從石尚角清濁匏竹利制以聲音調利大不踰宮細

不過羽夫宮音之主也第次以及羽聖人保樂而愛財

財以備器樂以殖財故樂器重者從細輕者從大是以

金尚羽石尚角瓦絲尚宮匏竹尚議從其革木一聲無



夫政象樂樂從和和從平聲以和樂律以平聲金石以

動之絲竹以行之詩以道之歌以詠之匏以宣之瓦以

贊之革木以節之物得其常曰樂極中極之所集曰聲

聲應相保曰和細大不踰曰平如是而鑄之金磨之石

繫之絲木越之匏竹越謂為之孔也節之鼓而行之以遂八風

正西曰兌為金為閭闔西北曰乾為石為不周正南曰離為絲為景正東曰震為竹為明庶東北曰艮為匏為

融西南曰坤為瓦為涼正北曰坎為革為廣莫東南曰巽為木為清明於是乎氣無滯陰

夏有霜電亦無散陽冬無冰陰陽序次風雨時至嘉生繁祉

人民和利物備而樂成上下不罷勞故曰樂正今細過

其主妨於正言無射有大林是作細而大過其律害於正聲用物過度妨於財



讀此文亦如聽  
和平之樂所謂  
中德中音近知  
本矣末意所以  
警景王者九切  
節奏鏗然

律

言用正害財匱妨於樂細抑大陵不容於耳非和也聽  
聲越遠非平也妨正匱財聲不和平非宗官之所司也  
夫有和平之聲則有蕃殖之財於是乎導之以中德也  
詠之以中音德音不愆以合神人享宴神是以寧民是  
以聽若夫匱財用罷民力以逞淫心聽之不和比之不  
度無益於教而離民怒神非臣之所聞也

伶州鳩論律

國語

王景將鑄無射問律於伶州鳩對曰律所以立均出度  
也均者均鍾木長七尺有弦繫之古之神瞽樂考中聲  
以均鍾者度鍾大小清濁也度律呂之長短以  
而量之以制樂度律均鍾百官執儀平其鍾和其聲以



立百事之紀之以三天神地祇人鬼平之以六六律成於十二呂

生道法也天之道也天之大數夫六中之色也故名之曰黃鍾

所以宣養六氣九德也十一月律六者天地之中天有六氣降生五味天有六母地有

五子十一而天地畢矣故六為中黃中之色也鍾之言陽氣鍾聚於下也六氣陰陽風雨晦明也九德九功之

德水火金木土穀由是第之二曰大簇所以金奏贊陽

出滯也正月律簇達也言陽氣大達於上也於正三曰

姑洗所以脩潔百物考神納賓也三月律姑潔也洗濯

枯穢也於正聲為角時百物修潔故用之四曰蕤賓所

以安靖神人獻酬交酢也五月律蕤委蕤柔貌也言陰

於上有似五曰夷則所以詠歌九則平民無貳也七月律夷



平也則法也言萬物既成可法則也六曰無射所以宣

布哲人之令德示民軌儀也九月律陽氣收藏為之六

間以揚沈伏而黜散越也六間六呂在陽律之間呂陰律所以侶間陽律成其功發

揚滯氣而去散越者也元間大呂助宣物也十二月律元一也陰繫於陽以黃鍾為主

故曰元間天氣始於黃鍾萌而赤地二間夾鍾出四隙

受之於大呂牙而白成黃鍾之功也

之細也二月律四隙四時之間氣微細者春為陽中萬物始生四時之微氣皆始於春春發而出之三

時奉而成之三間中呂宣中氣也四月律陽氣起於中至四月宣散於外四間

林鍾和展百事俾莫不任肅純恪也六月律林衆也言萬物衆盛也鍾聚

也於正聲為徵展審也肅速純大五間南呂贊陽秀也八月律南任也陰任陽事助六間應鍾均利器用俾應

成萬物也榮而未實曰秀



蕭七律

復也

十月律言陰應陽用事萬物鍾聚百嘉具備時務均利百官器用程度庶品使皆應其禮復其常也

律呂

不易無姦物也神無姦行細鈞有鍾無罇昭其大

也

細聲謂角徵羽也罇小鍾也兩細大鈞有罇無鍾不相和故用鍾為節以大平細也

甚大

無罇鳴其細也大謂宮商也兩大不相和故用罇則又去罇獨鳴其大昭小鳴和之道也和平則久久固

則

細謂絲竹革木

則純純明則終

成終復則樂終則所以成政也故先王

貴之王曰七律者何對曰昔武王伐殷歲在鶉火月在

天駟日在析木之津辰在斗柄星在天竈

皆次名武王以殷之十一月二十八日戊子始展師後

三日得辛卯朔二日壬辰辰星始見三日癸巳師行二

十八日戊

星與日辰之位皆在杜維顓頊之所建也帝

午渡孟津



譽受之

北維水位也顓頊以水德王立於此譽以木德代之譽周之先祖言周以本德受殷之水猶譽

之受顓頊也

我姬氏出自天龍及析木者有建星及牽牛焉

則我皇妣大姜之姪伯陵之後逢公之所馮神也

天龍齊之

分野也析木日辰所在也建星在牽牛間謂從辰星所

在天龍之首至析木之分歷建及牽牛皆水宿言得水

類也大姜齊女大王之妃王季之母也伯陵大姜之祖

有逢伯陵也逢公伯陵之後為殷諸侯封於齊地屬天

龍故祀天龍久而配食為其神主馮依也言天龍乃皇

妣家之所馮依非但合於水木相承而已周道起於大

王故本歲之所在則我有周之分野也

鶉火歲星所月

之所在辰馬農祥也我太祖后稷之所經緯也

辰馬謂房心星

也心星所在大辰之次為天駟有月

王欲合是五位三

在房合於農象也稷播百樓故云

所而用之

五位歲月星辰也三所逢公所

自鶉及馬



七列也

歲星鶉火在張十三度月宿天駟在房五度從張至房七列合七宿謂張翼軫角亢氐房之位

南北之揆七同也

七同合七律也鶉火午天黿

凡神人

以數合之以聲昭之數合聲和然後可同也

神人相應故以

七同其數而以律和其聲於是乎有七律王以二月癸

亥夜陳

陳師牧野

未畢而雨

天地神人協同之應

以夷則之上宮畢之

畢陳也上官以夷則為宮聲周禮大師執同律以聽軍聲而詔吉凶一曰陽氣在上故曰上宮

當辰時

辰在戌上故長夷則之上宮名之曰羽所以蕃屏民則

也

辰日月之會斗柄也長先用之也其樂為羽謂羽翼其衆取能藩蔽其民使中法則也

王以黃

鍾之下宮布戎於牧之野故謂之厲所以厲六師也

此甲

子昧爽伏鉞秉旄時也作黃鍾以厲六軍所以宣養氣德使皆自勉尚桓桓也黃鍾在下故曰下宮以大



而文亦如席樂  
之奏合而成章  
分而有體

不言僧而言羽  
婦人無武事故  
獨用文樂

簇之下宮布令于商昭顯文德底致紂之多臯故謂之  
宣所以宣三王之德也此既殺紂什囚散財發粟時也太簇所以贊陽出滯故用之太  
簇在下故曰下宮三友及羸內地以無射之上宮無射  
王大王王季文王也  
故曰布憲施舍於百姓施施惠故謂之羸亂治所以優  
柔容民也

○魯

衆仲論樂舞

左傳隱公五年

考仲子之宮

仲子惠公妾也考者始成而祀

將萬焉

舞

公隱

問羽數於

衆仲對曰天子用八

八八六

諸侯用六

六六三

大夫四

四四十六人

士二

二二

夫舞所以節八音而行八風

制八音之器使



不荒淫宣八方故自八以下唯天子得盡物數自諸公

從之於是初獻六羽始用六佾也仲子以別宮不敢同

僭用八吕氏曰隱公之問必其心有所大不安也衆仲

蓋申告之曰周公制禮作樂以致太平蓋欲行之天下

傳之萬世也周公欲行之天下而子孫已亂之欲傳之

萬世而身沒已違之使周公而有知吾知其不享魯祭

矣不爲此言而使用六佾於仲子之廟是以禮處仲子

而不以禮處周公何其待仲子之厚而待周公之薄耶

雖然此非所以責衆仲也成王祀周公以天子

之禮樂雖召公畢公之賢未嘗固爭况衆仲乎

### 衆仲論謚族

左傳隱公八年

無駭卒羽父字翬請謚與族公隱問族於衆仲衆仲對曰

天子建德立有德以因生以賜姓胙之土而命之氏如

生於瀕汭故賜陳嬀姪因諸侯以字爲謚因以爲族官

所封地命胡公曰陳氏



有世功則有官族邑亦如之

諸侯不得賜姓故其臣之氏或以字如魯孟仲季或

以謚如宋戴衛齊或以官如晉士中行或以邑如晉韓趙魏之類

公命以字為展氏

駭無

公子展之孫故以王父字為氏

### 申繻論命名

左傳桓公六年

子同生

齊桓公之子莊公也

以大子生之禮舉之接以大牢

以牛羊豕

接夫人

卜士負之

禮世子生三日卜士負之射人以桑弧蓬矢射四方

士妻食之

重適也

公與文姜宗婦命之

世子生三月君夫人沐浴於外寢立於阼階西

鄉世婦抱子升自西階君命之乃降

公問名於申繻對曰名有五有信有

義有象有假有類以名生為信

如魯公子友以生而以有文在其手曰友也

德命為義

如文王昌武王發知其能昌國發兵也

以類命為象

如孔丘以首象尼丘

命名旨趣甚見亦以見古人重譯之原



也取於物為假

如孔鯉適有饋之鯉也

取於父為類

如子同與不

以國不以官不以山川不以隱疾

隱痛疾患辟不祥也

不以畜牲

不以器幣周人以諱事神

諱自周始

名終將諱之故以國則

廢名以官則廢職以山川則廢主以畜牲則廢祀以器

幣則廢禮晉以僖侯廢司徒

改為中軍

宋以武公廢司空

改為

司城先君獻武廢二山

獻公名具武公名敖更以其鄉名二山

是以大物不

可以命公曰是其生也與吾同物

類也謂同日

命之曰同

### 曹劇論戰事

國語

長勺之役

莊公伐齊納糾桓公自莒先入敗魯師于乾時至是復伐魯

曹劇問所以

戰於嚴公公曰余不愛衣食於民不愛牲玉於神對曰



一節應照一節  
句句與實末出  
聽獄中心而民  
一段似出別詞  
仍歸本格所以  
為佳

家

夫惠本樹德施利而後民歸之志志歸於上民和而後神降之福

若布德於民而平均其政事君子務治而小人務力動

不違時器不過用財用不匱莫不共祀是以用民無不

聽求福無不豐今將惠以小賜祀以獨恭小賜不咸徧

獨恭不優裕不咸民弗歸也不優神弗福也將何以戰

夫民求不匱於財而神求優裕於享者也故不可以不

本先利公曰余聽獄雖不能察必以情斷之對曰是則

可矣夫苟中心圖民知雖不及必將至焉至於道

臧文仲善宋辭左傳莊公十一年

宋大水公莊使弔焉曰天作淫雨害於粢盛若之何不



平對曰孤實不敬天降之灾又以爲君憂拜命之辱滅  
文仲辰曰宋其興乎禹湯罪已其興也勃焉桀紂罪人  
其亡也忽焉且列國有凶稱孤禮也言懼而名禮其庶  
乎旣而聞之曰公子御說之辭也代臧孫達曰是宜爲  
君有恤民之心御說繼閔公而立是爲桓公

申繻論蛇聞

左傳莊公十四年

內蛇與外蛇聞於鄭南門中內蛇歿六年而厲公入有鄭

二君子儀在新鄭突在櫟突使傳公聞之問於申繻

曰猶有妖乎對曰人之所忌其氣敵以取之子儀畏厲公奪其國

所以致妖猶人興也人無憂焉妖不自作人棄常則妖

君子道其常是  
言近之



去

興故有妖

展禽論祀典

國語

海鳥曰爰居止於魯東門之外二日臧文仲辰使國人

祭之展禽曰越哉也迂臧孫之為政也夫祀國之大節也

而節政之所成也故慎制祀以為國典今無故而加典

非政之宜也夫聖王之制祀也法施於民則祀之以歿

勤事則祀之以勞定國則祀之能禦天災則祀之能扞

大患則祀之非是族類也不在祀典昔烈山氏之有天

下也其子曰柱能殖百穀百蔬夏之興也周棄繼之故

祀以為稷共工氏之伯九有也其子曰后土能平九土

祭法亦載此文而略不同大抵祭法諸書皆漢儒多附會者故左氏此文尤先此為考據實

駟步跌蕩



故祀以爲社黃帝能成命百物以明民共財顓頊能修

之帝嚳能序三辰以固民堯能單盡均刑法以儀民舜

勤民事而野死蒼梧之野鯀郭洪水而殛死羽山禹能以德脩

鯀之功契爲司徒而民輯冥勤其官而水死冥契之後湯以

寬治民而除其邪稷勤百穀而山死黑水之山文王以文昭

武王去民之穢故有虞氏禘黃帝而祖顓頊郊堯而宗

舜夏后氏禘黃帝而祖顓頊郊鯀而宗禹商人禘舜而

祖契郊冥而宗湯周人禘嚳而郊稷禋文王而宗武王

幕能帥顓頊者也有虞氏報焉幕舜之後虞思也杼能帥禹者

也夏后氏報焉杼禹之後季杼也上甲微能帥契者也商人報







為三策簡書也三策三卿卿一通

孔子論臧文仲左傳文公二年

仲尼曰臧文仲其不仁者三不知者三下展禽知其賢而不使

在廢六關塞關陽關之屬往來無禁妾織蒲與民爭利三不仁也作虛器

居蔡山節藻稅縱逆祀躋僖公祀爰居海鳥三不知也

孔子惜繁縷左傳成公二年

衛侯穆使孫良夫石稷甯相向禽將侵齊與齊師遇石

子欲還孫子曰不可以師伐人遇其師而還將謂君何

若知不能則如無出今既遇矣不如戰也此處闕新築戰事石

成子稷曰師敗矣子不少湏眾懼盡子喪師徒何以復

如

如



命皆不對又曰子國卿也墮子辱矣子以衆退我此乃

止於此禦且告車來甚衆齊師乃止次于鞠居新築人

仲叔于奚救孫桓子良桓子是以免既衛人賞之以邑

辭請曲縣周禮曰天子樂宮縣四周諸侯軒縣闕南方曲縣軒縣也繁纓以朝繫纓馬飾

名以出信以下止見君之所司

諸侯許之仲尼聞之後曰惜也不如多與之邑唯器與

名不可以假人君之所司也名以出信信以守器器以

藏禮禮以行義義以生利利以平民政之大節也若以

假人與人政也以文與其人政亡則國家從之亡隨弗可止也

已不能

臧宣叔議待使臣禮左傳成公三年



晉侯

景

使荀庚來聘且尋盟

亦謀衛侯之盟

定

使孫良夫來

聘且尋盟

始通之盟

公

問諸臧宣叔

許

曰中行伯之於晉

也其位在三

下

孫子之於衛也位為上卿將誰先對曰

次國之上卿當大國之中中當其下下當其上大夫

降

等小國之上卿當大國之下卿中當其上大夫下當其

下大夫

降二

上下如是古之制也衛在晉不得為次國

時以強弱為小大故衛雖侯爵猶為小國

晉為盟主其將先之丙午盟晉丁

未盟衛

季文子議晉不救郊

左傳成公七年

吳壽伐郊及吳郊成

平

季文子

行

曰中國不振旅

晉景自郊之敗



知

不競蠻夷入伐而莫之或恤無弔者也夫中國不相恤故夷狄內侵

詩曰不弔昊天亂靡有定其此之謂乎有主不弔伯主不恤

其誰不受亂吾亡無日矣君子曰知懼如是斯不

亡矣

季文子私言晉二命左傳成公八年

晉侯使韓穿來言汶陽之田歸之于齊晉景公勝齊使歸魯汶陽田矣

齊服晉故復使歸于齊季文子餞之私焉曰大國制義以為盟主

是以諸侯懷德畏討無有貳心謂汶陽之田敝邑之舊

也而用師於齊使歸諸敝邑今有二命曰歸諸齊信以

行義義以成命小國所望而懷也信不可知義無所立



汪氏所設之辭  
與季文子之辭  
無大相遠但汶  
陽之田繫於魯  
不小季文子不  
能明正其義懷  
慨其旨而乃因  
錢以私言之此  
其所以非也

四方諸侯其誰不解體詩曰女也不爽士貳其行士也  
罔極二三其德七年之中一與一奪二三孰甚焉士之  
二三猶畏妃耦而况霸主霸主將德是以而二三之其  
何以長有諸侯乎詩曰猶之未遠是用大簡行父懼晉  
之不遠猶謂謀之不遠而失諸侯也是以敢私言之汪氏曰夫商人

一環而子產不從於強令况先君所受於王之分地乎  
使是時季文子復於韓穿曰昔武王克商成王定之周  
公相成王以尹天下有大勲勞於王室成王封我先君  
魯公於少皞之虛錫之山川土田附庸以昭周公之明  
德顧敝邑褊小密邇仇讐惟是先王之封畛疆域莫克  
有之大國為侯伯而長諸侯矜哀敝邑以不腆之田而  
翦於仇讐是用痛心疾首悉師興賦以為鞏之役天誘  
其衷齊人悔罪請盟索婁以汝陽之田歸諸敝邑則大  
國之命也義無二信信無二命今大夫命敝邑曰復歸  
諸齊棄信失義以蔑先王之制或者難以霸乎大國制



去

辭雖立遂甚足  
警戒

義以服諸侯若微惠於周公魯公施榮賜於汝湯使敝  
邑世世守之以勿失墜則寡君之願也諸侯之望也其  
何有貳志背表婁之盟而失諸侯必不為也敢盡布之  
執事惟執事實圖利之如是則韓穿將恐懼悔謝之不  
暇復諸晉侯不復有歸齊之命矣韓宣子不能行之於  
鄭豈以韓穿獨能行之於魯乎惜也季文子為魯之賢  
大夫而有愧於子產多矣

里革論君弑故國語

晉人殺厲公

樂書中行  
偃殺之

邊人以告成公在朝公曰臣殺

其君誰之過也大夫莫對里革曰君之過也夫君人者

其威大矣失威而至於殺其過多矣且夫君也者將牧

民而正其邪者也若君縱私回而棄民事民苟有慝無

由省之益邪多矣若以邪臨民陷而不振用善不肯專



則不能使至於殄滅而莫之恤也將安用之桀奔南巢  
紂路于京厲汜于彘幽滅于戲山皆是術也失威多過之道夫  
君也者民之川澤也行而從之美惡皆君之由民何能  
為焉君譬則川澤民譬則魚也魚從川之美惡以為肥瘠

季武子議行冠禮

左傳襄公九年

晉侯以公宴于河上

晉悼公伐鄭歸襄公送至河故宴之

問公年季武子

宿

對曰會于沙隨之歲

成公十六年

寡君以生晉侯曰十二

年矣是謂一終一星終也

歲星十二歲而一周天

國君十五而生

子冠而生子禮也君可以冠矣大夫盡為冠具武子對

曰君冠必以裸享之禮行之以金石之樂節之以先君



論

之祧處之冠必在廟諸侯以始祖之廟為祧今寡君在行未可具也請

及兄弟之國而假備焉晉侯曰諾公還及衛冠于成公

之廟假鍾磬焉以悼公欲速故

叔孫豹論人之不朽左傳襄公二十四年

穆叔叔孫如晉賀克欒盈也范宣子士逆之問焉曰古人有

言曰歿而不朽何謂也穆叔未對宣子曰昔句之祖自

虞以上為陶唐氏在夏為御龍氏在商為豕韋氏在周

為唐杜氏晉主夏盟為范氏其是之謂乎穆叔曰以豹

所聞此之謂世祿非不朽也魯有先大夫曰臧文仲既

沒其言立其是之謂乎豹聞之大上有立德其次有立

上句不朽之問正欲發其先世穆叔不對其意遠矣而乃遂自揚何其淺也豈不愧於三立之言已言臧文仲立言而又述德與功以先之見文



你猶非第義耳  
况世祿乎甚有  
軒軼

文誠佳而非其  
旨將非有諱之  
而難言者歟何  
其辭之轉腕也

功其次有立言雖久不廢此之謂不朽若夫保姓受氏  
以守宗祊廟門世不絕祀無國無之祿之大者不可謂不  
朽

申豐論雹  
左傳昭公四年

大雨雹季武子宿問於申豐曰雹可禦乎對曰聖人在

上無雹雖有不為災古者日在北陸而藏冰西陸朝覲

而出之朝覲謂春分奎星朝見東方也其藏冰也深山窮谷固陰沍寒

於是乎取之其出之也朝之祿位賓食喪祭於是乎用

之其藏之也黑牡秬黍以享司寒玄冥北方之神其出之也桃

弧棘矢以除其灾將奉至尊故其出入也時食肉之祿冰皆



與焉大夫命婦喪浴用水祭寒而藏之十二月獻羔而啓

之二月公始用之優尊火出三月四月而畢賦當受水者盡頒之自命夫

命婦至于老疾無不受冰山人取之縣人傳之輿人納

之隸人藏之夫冰以風壯而以風出風寒而堅風和則用其藏之

也周其用之也徧則冬無愆陽夏無伏陰春無凄風秋

無苦雨雷出不震無灾霜雹無霜雹以為灾癘疾不降民不夭

札天灾為札今藏川池之冰棄而不用君用之外有餘棄之不賦於人風不

越而殺散不以理暴殺為害雷不發而震動不徐緩震擊為害雹之為菑誰

能禦之七月之卒章藏冰之道也胡氏曰是時宿襲位世卿將毀中軍專執

兵權以弱公室故數月之間用有大變申豐者季氏之宰也不肯端言其事故暴揚於朝歸咎藏冰之失則亦



去天

義字將先  
王秩祀之典一  
口道破且用人  
以系豈但不義  
慘哉平子後被  
晉執而竟得逃  
其錄

誣矣

臧武仲譏社於人

左傳昭公十年

平子

意如

伐莒取鄭獻俘始用人於亳社

叩鼻血以為牲

臧武仲

紀

在齊聞之曰周公其不饗魯祭乎周公饗義魯無義

詩曰德音孔昭視民不佻

偷

佻之謂甚矣而壹用之人

同

於將誰福哉

叔孫婁論齊高彊

左傳昭公十年

齊高彊來奔

陳鮑二家伐欒高氏欒高敗欒施高強奔魯

昭子

叔孫婁

語諸大

夫曰為人子不可不慎也哉昔慶封亡子尾

強之父

多受

邑而稍致諸君

景

君以為忠而甚寵之將死疾于公宮



意有所至而愛  
有所亡可不慎  
歸旨哉

法天

又簡嚴有體然  
驚以為非孔子  
之言於可稱述  
誠多但平丘之  
曾賜諸侯以示  
威者於也鮒瀆  
貨乎獨不受美  
歸魯季孫乃

輦而歸君親推之其子不能任是以在此忠為令德其  
子弗能任罪猶及之唯不慎也喪夫人之力茂子尾棄  
德曠宗以及其身不亦害乎詩曰不自我先不自我後  
其是之謂乎喻強自取其禍

孔子稱晉叔向

左傳昭公七年知季先

仲尼曰叔向

晉羊舌肸

古之遺直也治國御邦不隱於親三

數叔魚

羊舌肸

之惡不為末減曰義也夫可謂直矣平丘

之會數其賄也以寬衛國晉不為暴

晉兵次于衛地淫

請之叔向曰羊舌肸瀆貨無厭若

歸魯季孫稱其詐也

以寬魯國晉不為虐

晉執季孫行父既而歸之于服景伯不肯秘去韓宣子謂叔向子能



夷伯請從諸侯之會宣子患之謀於叔向因使鮒說之則鮒之詐於實啓之矣邢侯與雍子爭鄩田鮒既知直在邢侯不以教鮒而令任其貪婪及宣子問罪於鮒直言當殺法之所在鮒固不得自私顧略無憂喜休戚相涉之情焉况望其養不中不才也其父攘羊而子證之孔子不以直鮒之直此之類也孔子其

歸季孫乎對曰不能鮒也能叔魚見季孫曰邢侯之獄聞將爲子除館西河若之何且泣季孫逃歸

言其貪也以正刑書晉不爲頗邢侯與雍子爭田叔魚受雍子所賂女曲邢侯

邢侯殺叔魚及雍子韓宣子問其罪於叔向曰雍子買直鮒鬻獄邢侯專殺其罪一也

三惡加三利殺親益榮猶義也夫所謂大義滅親者

○昭子大史論救曰左傳昭公十七年

昭公十七年六月甲戌朔日有食之祝史請所用幣昭

子婣曰日有食之天子不舉無盛饌伐鼓于社責陰勝諸侯

用幣于社伐鼓于朝責自禮也平子禦之曰止也唯正月

朔慝未作日有食之於是乎有伐鼓用幣禮也其餘則

否大史曰在此月也周之六月夏之四月也純陽用事正陽之月也平子以爲非正月故



肯直之而又義之乎若周公之誅管蔡事關宗社不得不然故曰大義滅親貽也而若是班乎故曰非孔子之言也

春秋日食昭公凡七焉梓慎不勉公以修德勵政以回災變而乃曰不為災蓋季氏之黨阿諛容悅不足異獨憫昭公怠荒至

大史

日過分而未至

過春分而未夏至

三辰有災

謂日月相侵又犯是宿

於是乎百官降物

素服

君不舉

減膳

辟移時

出次

樂奏鼓祝用

幣史用辭

引咎

故夏書曰辰不集于房瞽奏鼓嗇夫馳庶

人走此月朔之謂也當夏四月

言此六月乃是謂孟夏夏之四月

平子弗從昭子退曰夫子將有異志不君矣

安君之災

梓慎論日食

左傳昭公二十一年

昭公二十一年七月壬午朔日有食之公問於梓慎曰

是何物也禍福何為對曰二至二分日有食之不為災

日月之行也分同道也

日夜等

至相過也

長短極

其他月則

為災陽不克也

不勝陰

故常為水



象

孔子論牯矢

國語

仲尼在陳有隼集于陳侯之庭而死牯矢貫之石弩其  
長尺有咫弩鏃也以石爲之陳惠公使人以隼如仲尼之館問  
之仲尼曰隼之來也遠矣此肅慎氏之矢也昔武王克  
商通道于九夷百蠻使各以其方賄來貢使無忘職業  
於是肅慎氏貢牯矢石弩其長尺有咫先王欲昭其令  
德之致遠也以示後人使來監焉故銘其牯曰肅慎氏  
之貢矢以分大姬配虞胡公而封諸陳古者分同姓以  
珍玉展重親也分異姓以遠方之職貢使無忘服也故  
分陳以肅慎氏之貢君若使有司求諸故府其可得也



使求得之金櫝如之如孔子言

孔子論刑鼎左傳昭公二十九年

晉趙鞅荀寅帥師城汝濱遂賦晉國一鼓鐵治石為鐵用索扇鞬

謂之鼓此盖令衆各出力以鼓石為鐵計令取一鼓而足也以鑄刑鼎著范宣子句

所為刑書焉仲尼曰晉其亡乎失其度矣夫晉國將守

唐叔之所受法度以經緯其民卿大夫以序守之民是

以能尊其貴貴是以能守其業貴賤不愆所謂度也夫

公是以作執秩之官為被廬之法鬼于被廬作執秩以正其官盖修唐叔之法

也以為盟主今棄是度也而為刑鼎民在鼎矣民知罪之輕重

在鼎則棄禮微書何以尊貴貴何業之守貴賤無序何以為國

○  
侯

說此則孔子之  
為政不以政  
為先而以德  
禮為本也有由  
然矣



且天宣子之刑夷之蒐也晉國之亂制也夷一蒐而三易中軍帥以

致賈季箕鄭之徒作亂若之何以爲法

季孟議伐邾左傳哀公七年

季康子肥欲伐邾乃饗大夫以謀之子服景伯何曰小

所以事大信也大所以保小仁也昔大國不信伐小國

不仁民保於城城保於德失二德者信危將焉保孟孫

何曰二三子以爲何如惡賢而逆之言子服何賢人也惡有賢人之言而

可違對曰諸大禹合諸侯於塗山執王帛者萬國今其

存者無數十焉唯大不字小小不事大也知必危何故

不言不言不危故也魯德如邾而以衆加之可乎孟孫忿言不可恃力



樂而出伐邾及范門猶聞鍾聲不知師遂入邾

冊有議禦齊

左傳哀公十一年

齊為鄆故

先是哀公會吳伐齊師於鄆

國書高無平帥師伐我及清

季孫

肥

謂其宰冉求曰齊師在清必魯故也若之何求

曰一子守二子從公禦諸竟季孫曰不能

自度不能使二子求

曰居封疆之間季孫告二子

叔孫州仇仲孫何忌

二子不可求曰

若不可則君無出一子帥師背城而戰不屬者非魯人

也

不從戰則不臣

魯之群室眾於齊之兵車一室敵車優矣子

何患焉二子之不欲戰也宜政在季氏

恨其專

當子之身

齊人伐魯而不能戰子之耻也大不列於諸侯矣季孫



使從於朝侯於黨氏之溝武叔州仇呼而問戰焉對曰君子有遠慮小人何知懿子何強問之對曰小人慮材而量力而共者也言子所問非已材力所及故不能言武叔曰是謂我不成丈夫也退而蒐乘及齊師戰于郊師獲甲首八十冉求

所得

### 孔子議討陳恒

左傳哀公十四年

請伐齊實事以吾從大夫之後

齊陳恒弑其君壬于舒州

闕止有寵于簡公使為政陳戍子憚之殺止執公于舒州

實言獨以魯之

弑孔丘三日齊

欲以誠感君

而請伐齊三

三言

公

哀

曰魯為

偽耳此兩言與

齊弱久矣子之伐之將若之何對曰陳恒弑其君民之

爾有告季氏魯

之辭空衆於齊

不與者半以魯之衆加齊之半可克也公曰子告季孫

之兵車何異



知

是以知聖人而  
不阿所好於此  
見之

政之  
在  
孔子辭退而告人曰吾以從大夫之後也故不敢

不言  
程子曰此非孔子之言誠若此言是以力不以義也若孔子之志必將正名其罪上告天子下告方

伯而率與國以討之至於所以勝齊者孔子之餘事也豈計魯人之衆寡哉

子貢譏誅孔子  
左傳哀公十六年

孔丘卒公  
哀誅之曰昊天不弔  
不恤不慙  
且遺一老俾

屏余一人以在位  
若在勞余在疚  
病中嗚呼哀哉尼父無

自律  
無尼父無子貢曰君其不沒於魯乎夫子之言曰

禮失則昏名失則愆失志爲昏失所爲愆生不能用矣

而誅之非禮也稱一人非名也  
一人天君兩失之

哀公君臣相猜  
左傳哀公二十五年



象

公哀至自越季康子

肥

孟武伯

逆

於五梧郭重僕

公為

御見二子曰

告

惡言多矣君請盡之

二子不臣之言甚多欲公盡極以觀

之公宴於五梧武伯為祝

進酒

惡郭重曰何肥也季孫曰

請飲彘也

罰

以魯國之密邇仇讐臣是以不獲從君克

免於大行又謂重也肥

言重隨君遠行劬勞不宜稱肥

公曰是食言多

矣能無肥乎

以激二桓之數食言

飲酒不樂公與大夫始有惡

卒

越孫

子貢私論衛侯

左傳哀公二十六年

衛侯出奔宋

公納夏戊女而寵其弟期奪南氏邑奪司寇亥政壞公文要車使優狡辱拳彌因相

與作亂

適城鉏自城鉏使以弓問子貢且曰吾其入乎



德備先後必有  
其人國無其人  
雖為復之此子  
育之所以讓不  
知也

索

五

詩言

子貢稽首受乎對曰臣不識也私於使者曰昔成公孫

於陳

晉文公伐衛衛侯請盟欽  
孟弗許出奔楚遂適陳

甯武子

俞

孫莊子

為

宛濮之盟而君入獻公孫於齊

為孫林父  
甯父所逐

子鮮子展為

夷儀之盟而君入今君再在孫矣

以孔懼之亂奔魯內  
以拳彌之亂奔宋

不聞獻之親外不聞成之卿則賜不識所由入也詩曰

無競惟人四方其順之若得其人四方以為主而國於

何有

○晉

群臣論申生

左傳閔公二年

晉侯

獻

使太子申生伐東山臯落氏

聽驪姬言

太子帥師公



諸臣為申生慮

料可謂真至然

申生篤倫明理

主見已定不俟

諸臣之贊之也

方獻公恣於武

廟嘗稱疾使奚

齊蒞事猛足言

於申生曰伯氏

不出奚齊在廟

子盍圖乎申生

曰吾聞事君以

敬事父以孝受

命不遷為敬敬

順所安為孝幸

命不敬作事不

孝又何圖焉且

夫聞父之愛而

嘉況有不忠焉

衣之偏衣

左右異色其半似公服

佩之金珌

如環而不連

先友曰衣身

之偏握兵之要在此行也子其勉之偏躬無慝

偏分身衣之半

非惡意也

兵要遠灾

謂威權在已可遠害也

親以無灾又何患焉狐突

歎曰時事之徵也衣身之章也佩褱之旗也

旗表也所以表明其

中故敬其事則命以始

賞以春夏

服其身則衣之純

服用純色

其褱則佩之度

佩下之常

今命以時卒

在冬十月

閱

盡

其事也

衣之有服

雜色

遠其躬也佩以金珌棄其褱也服以遠之

時以閱之有凉冬殺金寒玦離胡可恃也雖欲勉之狄

可盡乎梁餘子養曰帥師者受命於廟受賑於社

宜社

有常服矣

常弁服

不獲而虐命可知也

君意有在

死而不孝不



不負焉孝敬忠  
貞君父之所安  
也棄安而圖遠  
于孝矣吾其止  
也嗚呼此固張  
子列於西銘以  
發揮仁孝也歟  
然諸臣逃奔之  
策未為不善不  
陷其父免難於  
已亦何不可嗚  
呼申生之孝孝  
而可悲者歟

狐偃冀芮各為  
其主料事而後  
背申然狐偃遠  
矣後決吾雖得

如逃之罕夷曰危奇無常非常金玦不復有決雖復何

為君有心矣先冊木曰是服也狂夫阻之疑曰盡敵而

反獻公之命敵可盡乎雖盡敵猶有內讒謂驪姬不如違之

狐突欲行子以大羊舌大夫曰不可違命不孝棄事不忠

雖知其寒薄惡不可取子其然之欲其死於戰也既勝

公卒殺申生

狐偃冀芮託國議國語

公子重耳出亡驪姬既毒胙以殺太子申生又譖重耳

及柏谷卜適齊楚狐偃曰無卜焉夫齊楚道遠而

望大望諸侯不可以困往道遠難通望大難走歸困往



國竟隨其身則  
為陷之也

多悔困且多悔不可以走望

援其

若以偃之慮其翟乎

夫翟近晉而不通愚陋而多怨走之易達不通可以

惡多怨可以共憂今若休憂於翟以觀晉國可以監諸

侯之為

視其為誰動

其無不成乃遂之翟處一年公子夷吾

亦出奔

公使晉華伐屈夷吾自屈出奔

曰盍從吾兄甯於翟乎冀芮曰

不可後出同走

嫌同謀

不免於罪且夫偕出偕入難

難與俱

聚居異情

謂共居而各欲求入惡於義也

不若走梁梁近於秦秦親

吾君

秦穆公夫人獻公之女

吾君老矣子往驪姬懼必援於秦以

吾存也且必告悔告悔是吾免也

罪免

乃遂之梁居二年

驪姬使奄楚以環釋言四年復為君

獻公卒秦穆公納之



○ 五

獻公使荀息傅奚齊不以此時強諫以正嫡庶之分又不能力辭託孤之寄以悟獻公臨難而欲自免得乎然猶能知義所當死可謂之忠而不可為正也

五卷

里克議殺奚齊 國語

獻公卒里克將殺奚齊先告荀息曰三公子之徒謂申生重

耳夷吾將殺孺子子將如何荀息曰死吾君而殺其孤之黨

吾有死而已吾蔑從之矣里克曰子死孺子立死不亦

可乎子死孺子廢焉用死哉荀息曰昔君問臣事君於

我我對以忠貞君曰何謂也我對曰可以利公室力有

所能無不為忠也葬死者養生者死人不悔生人不

愧貞也吾言既往矣豈能欲行吾言而又愛吾身乎

雖死焉辟之里克告丕鄭曰三公子之徒將殺孺子子

將何如丕鄭曰荀息謂何對曰荀息曰死之丕鄭曰子



里克欲圖中立  
不能正諫其君  
坐視申生以成  
而後乃殺其二  
君豈不過甚已  
哉奚齊卓子雖  
庶孽有遺命焉  
固克之君也

奚齊殺而莫有  
哀者豈非犯分  
之罪重耶衛宣  
殺伋壽立朔國

勉之夫二國士之所圖無不遂也謂里克必殺之我為

子行之子帥七輿大夫以待我七輿申生下軍大夫共華賈華叔堅驢欬纍虎

特宮山祁也我使翟以動之援秦以搖之立其薄者恩之可薄者

以得重賂厚者可使無入國誰之國也言晉里克曰不

可克聞之夫義者利之足也有義然貪者怨之本也廢

義則利不立厚貪則怨生夫孺子豈獲罪於民將以驪

姬之惑蠱君而誣國人逐群公子讒群公子而奪之利使君迷亂

信而亡之信姬之言殺無罪申以為諸侯笑使百姓莫

不有藏惡於其心中人懷悖逆恐其如壅大川潰而不可救

禦也是故將殺奚齊而立公子之在外者以定民弭憂



人賦二子乘舟  
之詩以悼其亡  
漢武殺戾太子  
壺關三老至訟  
其寃隋文廢太  
子勇左右莫不  
闕然可見名分  
之能繫屬人心  
也

於諸侯且為援。庶幾曰：諸侯義而撫之，百姓欣而奉之。  
國可以固。今殺君而賴其富，貪且反義，貪則民怨，反義  
則富不為賴。危必賴富而民怨，亂國而身殆，懼為諸侯載  
登於策以為戒，不可常也。丕鄭許諾，於是殺奚齊、卓子及驪姬，  
而請君于秦。

狐偃冀芮復國議 國語

里克及丕鄭使屠岸夷告公子重耳於翟曰：國亂民擾，  
得國在亂，治民在擾。子盍入乎？吾請為子鉢。導重耳告  
舅犯曰：里克欲納我，舅犯曰：不可。夫堅樹在始，始不固，  
本終必槁。落夫長國者，唯知哀樂喜怒之節，是以導民。



不衰喪而求國難。因亂以入，殆以喪得國，則必樂喪。以樂爲樂。喪必哀，生因亂以入，則必喜。亂喜亂必怠德。是哀樂喜怒之節易也。反常。何以導民？民不我導，誰長？君重耳曰：「非喪誰代？非亂誰納？我舅犯曰：『偃也。』聞之，喪亂有小小大喪，大亂之剡也。」鋒不可犯也。父母死爲大喪，讒在兄弟爲大亂。今適當之，是故難。公子重耳出見使者曰：「子惠顧亡人重耳，父生不得供備灑掃之臣，死又不敢蒞喪以重其罪，且辱大夫，敢辭。夫固國者在親衆而善鄰，在因民而順之。苟衆所利，鄰國之所立，大夫其從之。」重耳不敢違。呂甥及卻稱亦使蒲城午告公子夷吾于



梁曰子厚賂秦人以求入吾生子為內主夷吾告冀芮曰

呂甥欲納我冀芮曰子勉之國亂民擾大夫無常立心無恒

不可失也非亂何入非危何安幸苟君之子唯其索之

求也方亂以擾孰適禦我大夫無常苟眾所置孰能勿從

子盍盡國以賂外內無愛虛以求入不吝虛國既入而後圖

聚蓄積公子夷吾出見使者再拜稽首許諾呂甥出告大

不愛虛以求入  
入而盡聚此其  
為心易常有天  
常之念

夫曰君歿自立則不敢久則恐諸侯之謀徑召君於外

也則民各有心恐厚亂盍請君于秦乎大夫許諾乃使

梁由靡告于秦穆公先置公子夷吾是為惠公  
慶鄭號射議閉秦糴左傳僖公十四年



上卷

射不恤鄰好  
焉與其君之患  
謀之不臧有如  
是者

秦饑使乞糴于晉晉人弗與

傳曰晉饑秦輸之粟秦饑晉閉之糴

慶鄭曰

背施無親幸災不仁貪愛不祥怒鄰不義四德皆失何

以守國號射曰皮之不存毛將安傳

皮以喻所許秦城毛以喻糴言既背

秦施為怨已深雖與之糴猶無皮而施毛

慶鄭曰棄信背鄰患孰恤之無信

患作失援必斃是則然矣號射曰無損於怨而厚於寇

適使秦嗤

不如勿與慶鄭曰背施幸災民所棄也近

親近之國猶

讐之况怨敵乎弗聽退曰君其悔是哉

群臣議娶秦女

國語

秦伯

穆

召公子

重耳

于楚楚子

成

厚幣以送公子于秦秦

伯歸女五人懷嬴與焉

惠公之子圉為質於秦秦妻之既而棄嬴氏逃歸立為懷公故



曰懷嬴今復納之重耳然則懷嬴於重耳為姪婦

公子使奉匜沃盥既而揮之

嬴怒曰秦晉匹也何以卑我公子懼

恐嬴之訴降服囚命自

以聽命

秦伯見公子曰寡人之適此為木子圉之辱

質於秦時

備嬪嬙焉欲以成婚而懼離其惡名

恐不免人之謫非此則無

故

他故不敢以禮致之

不行婚禮

歡之故也公子有辱

降服寡

人之罪

不備禮

唯命是聽公子欲辭司空季子

胥臣曰同姓

為兄弟黃帝之子二十五人其同姓者二人而已唯青

陽與夷鼓皆為己姓青陽方雷氏之甥也夷鼓彤魚氏

之甥也其同生而異姓者四母之子別為十二姓凡黃

帝之子二十五宗其得姓者十四人為十二姓

十四人中二人



為姬二人為姬酉、祁、已、滕、箴、任、荀、僖、姁、倮、依、是也。唯青

陽與倉林氏同于黃帝，故皆為姬姓。同德之難也。如是

昔少典取于有蟜氏，生黃帝、炎帝。黃帝以姬水成，炎帝

以姜水成。于此生而成功成而異德，故黃帝為姬，炎帝為姜。二

帝用師以相濟也。濟當作擠，滅也。傳曰：黃帝戰于阪泉。異德之故也。異姓

則異德，異德則異類，異類雖近。有屬名也。男女相及，嫁娶以生

民也。同姓則同德，同德則同心，同心則同志。同志雖遠，

男女不相及，畏黷敬也。黷則生怨，怨亂毓灾，灾毓滅姓。

是故取妻避其同姓，畏亂灾也。故異德合姓，為婚同德

合義。義以道，利以利。阜姓，姓利相更成而不遷，乃能攝

合義。義以道，利以利。阜姓，姓利相更成而不遷，乃能攝



諸臣所計其  
雅利是趨者

國保其土房

居

今子於子圍道路之人也取其所棄以

濟大事不亦可乎公子謂子犯

狐

曰何如對曰將奪其

國何有於妻唯秦所命從也謂子餘

趙衰

曰何如對曰禮

志有之曰將有請於人必先有入焉欲人之愛已也必

先愛人欲人之從已也必先從人無德於人而求用於

人罪也今將婚媾以從秦受好以愛之聽從以德之懼

未可也又何疑焉乃歸女而納幣

更成婚禮

且逆之

箕鄭論救饑

國語

晉國饑公

文

問於箕鄭曰救饑何以對曰信公曰安信

對曰信於君心信於名信於令信於事公曰然則若何



本原之論非迂  
遠也

論

問應俱合

論

此篇前後映照  
開合俱妙

對曰信於君心則美惡不踰信於名則上下不干信於  
令則時無廢功信於事則民從事有業於是乎民知君  
心貧而不懼藏出如入何匱之有公使為箕及清原之  
蒐使佐新上軍

郭偃論治

國語

文公問於郭偃曰始也吾以國為易今也難對曰君以  
為易其難也將至矣君以為難其易也將至矣

胥臣論教

國語

文公問於胥臣曰吾欲使陽處父傳謹也文公子而教  
誨之其能善之乎對曰是在謹也蘧條人不可使俛戚



施

人

不可使仰

僬僬

長三尺

不可使舉

侏儒

短人

不可使援

矇矇

不可使視

有矇矇子而無見曰矇

不可使聽

耳不別五聲之和

不可使言

口不

信之言為囁

不可使

聾聵

聾聵者聾聵

不可使

聽

為聾生而聾曰聵

不可使

言

道忠

可使謀

僅無知昏

實將善而賢良贊之則濟可埃也若

有違質

性邪

教將不入其何善之為臣聞昔者大任娠文

王不變少

濬于豕牢

少濬小便

而得文王不加病焉

言

易文王在母不憂在傳弗勤處師弗煩事王不怒敬友

二號

號仲

而惠慈二蔡

管叔初亦

刑于大姒比于諸弟

詩云刑于寡妻至于兄弟以御于家邦於是乎用四方

之賢良及其即位也詢于八虞

伯達伯适仲突仲忽叔

友叔夏季隨季騶皆在



如此結真是奇

虞官而咨于二虢度于閔天而謀于南宮道諏於蔡原而

訪於辛尹蔡公原公辛甲尹佚皆周太史重之以周召畢榮四公億寧百

神而柔和萬民故詩曰惠于宗公神罔時恫是則文王

非專教誨之力也公曰然則教無益乎對曰胡為文益

其質故人生而學非學不入公曰奈夫八疾何僅昏

對曰官師之所材也裁戚施直鑄主擊鍾蘧條蒙璆使戴

侏儒扶盧緣予戟之秘以戲矇瞍修聲聽聾聵司火視僮昏嚚

瘖僂僬官師所不材也以實裔士夫教者因體能質而

利之者也若川然有原以印浦而後大印迎也開其原

夫迎之以浦則水



卷之

先軫議伐秦

左傳僖公三十三年

秦師滅滑而還

秦穆公聽杞子之言將襲鄭鄭自備遂滅滑而還

晉原軫曰秦

遠蹇叔

秦出師時蹇叔以勞師襲遠為不可

而以貪勤民天奉我也奉不

可失敵不可縱縱敵患生遠天不祥必伐奉師欒枝曰

未報秦施

謂納文公

而伐其師其為必君乎

時文公新以言以君必故忘秦

施先軫曰秦不哀吾喪而伐吾同姓秦則無禮何施之

為吾聞之一日縱敵數世之患也謀及子孫可謂必君

乎遂發命遽興姜戎敗秦師于殽獲百里孟明視西乞

術白乙丙以歸

趙宣子議立君

左傳文公六年七年



卷之

晉襄公卒靈公少晉人以難故欲立長君立少恐有難趙孟

盾曰立公子雍好善而長先君文愛之且近於秦秦

好也置善則固事長則順立愛則孝結舊則安為難故

故欲立長君有此四德者難必杼矣賈季曰不如立公

子樂辰羸嬖於二君懷公文公立其子民必安之趙孟曰辰

羸賤班在九人其子何震之有且為二嬖淫也為先君

子不能求大而出在小國辟也陋毋淫子辟無威陳小

而遠無援將何安焉杜祁以君故讓偁姑而上之杜祁子雍

之母本班在二偁姑襄公之母本班在三以狄故讓季

隗而已次之以季隗是文公託故班在四先君是以愛



是舉也夷畢不當立則不宜聽穆嬴以畏偏如  
 留立則不必為雍子之求所謂大臣以遇大事  
 而能斷也幸之令狐之役既以背秦又違先蔑  
 夷畢竟以亂國宣子亦終冒弑名當斷不斷反  
 受其亂有以也夫

上

辭嚴義正殊為  
 待體

其子而仕諸秦為亞卿焉秦大而近足以為援毋義子  
 愛足以威民立之不亦可乎使先蔑士會如秦逆公子  
 雍穆嬴襄公夫人日抱大子以啼于朝曰先君何罪其嗣亦  
 何罪舍適嗣不立而外求君將焉真此出朝則抱以適  
 趙氏頓首於宣子盾曰先君奉此子也而屬諸子曰此  
 子也才吾受子之賜不才吾唯子之怨欲使宣子教訓之今君  
 雖終言猶在耳而棄之若何宣子與諸大夫皆患穆嬴  
 且畏偏畏國人以大義來偏乃背先蔑立靈公

趙宣子論伐宋  
國語

宋人公子鮑殺昭公趙宣子盾請師於靈公以伐宋公曰



非晉國之急也。對曰：大者天地，其次君臣，所以爲明訓也。今宋人殺其君，是反天地而逆民則也。天必誅焉。晉爲盟主而不脩天罰，將懼及焉。公許之，乃發令于太廟，召軍吏而戒。樂正令三軍之鍾鼓必備。趙同曰：國有大役，不鎮撫民而備鍾鼓，何也？宣子曰：大罪伐之，小罪憚之，襲侵之事，陵也。是故伐備鍾鼓聲，其罪也；戰以錡于丁寧。錡，干形如碓頭，與鼓相和。丁寧，謂鉦也。傲其民也，襲侵密聲爲斃事也。掩其不備。今宋人殺其君，罪莫大焉。明聲之猶恐其不聞也，吾備鍾鼓爲君故也。明君道。乃使芻告於諸侯，治兵振旅，鳴鍾鼓以至于宋。



賈季論二趙

左傳文公七年

豐舒

狄相

問於賈季曰趙衰趙盾孰賢對曰趙衰冬日之

日也

可

趙盾夏日之日也

可

畏

伯宗議伐赤狄

左傳襄公十五年

潞子嬰兒之夫人晉景公之姊也豐舒為政而殺之又

傷潞子之目晉侯將伐之諸大夫皆曰不可豐舒有三

雋才不如待後之人伯宗曰必伐之狄有五罪雋才雖

多何補焉不祀一也嗜酒二也棄仲章而奪黎氏地三

也虐我伯姬四也傷其君目五也怙

特

其雋才而不以

茂德滋益罪也後之人或者將敬奉德義以事神人而

後



鄭經本有可誅  
但慮申固其命  
而不待則所誅  
者有所為而為  
矣

申固其命

審其政令

若之何待之不待有罪曰將待後後有

辭而討焉毋乃不可乎夫恃才與眾亡之道也商紂由

之故滅天反時為災

寒暑易節

地反物為妖

群物失性

民反德為

亂亂則妖災生故文反正為之

古篆背書正字則為乏字

盡在狄矣

妖災亂乏晉侯從之滅潞鄆舒奔衛衛人歸諸晉晉人

殺之

呂氏曰君子懼人之亂矣未聞懼人之治也伯宗幸人之亂惟恐其或改處心積慮可謂忍矣

絳人論山崩

左傳成公五年

梁山崩晉侯

景

以傳

驛車

召伯宗伯宗辟重曰辟傳

適有重載

之車在道故伯宗辟之使退曰避我傳車

重人曰待我不如捷之速也問其

所曰絳人也問絳事焉曰梁山崩將召伯宗謀之問將



若之何曰山有朽壤而崩可若何國主山川故山崩川

竭君為之不舉去盛降服損盛乘縵車無徹樂息八出

次舍在祝幣祝宮史辭史官作罪以禮焉其如此而已

雖伯宗若之何伯宗請見之見於不可遂以告而從之

韓獻子議遷都左傳成公六年

晉侯謀去故絳晉都絳景公謀徙新田諸大夫皆曰必

居郇瑕氏之地古沃饒而近鹽國利君樂不可失也韓

獻子厥將新中軍且為僕大夫公揖而入獻子從公立

於寢庭謂獻子曰何如對曰不可郇瑕氏土薄水淺其

惡易觀多穢易觀則民愁民愁則墊隘於是乎有沉溺



重腿之疾

病濕與四肢浮腫

不如新田土厚水深居之不疾有

汾澮以流其惡且民從教十世之利也夫山澤林鹽國

之寶也國饒則民驕逸近寶公室乃貧以不不可謂樂務本

公說從之遷于新田

士弱論宋火

左傳襄公九年

宋災晉侯

悼

問於士弱曰吾聞之宋災於是乎知有天

道

宋樂喜知有火災預為之備

何故對曰古之火正

官名

或食于心或

食于味

心東方宿名也味柳也南方之宿後世祀火星之時以火正配食於心與柳

以出內

火

建辰之月鶉火星昏在南方則令民放火建戌是故之月大火星伏在日下夜不得見則禁民放火

是故

味為鶉火

在午位朱鳥有喙故名為味

心為大火

在柳位

陶唐氏之火



正閼伯居商丘祀大火而火紀時焉季春出相土因之

相土契之故商主大火商人閱其禍敗之釁必始於火

是以日知其有天道也日恐自公曰可必乎對曰在道

國亂無象不可知也

師曠論衛出君左傳襄公十四年

師曠侍於晉侯悼晉侯曰衛人出其君獻公為孫林父甯殖所逐不

亦甚乎對曰或者其君實甚良君將賞善而刑淫養民

如子蓋之如天容之如地民奉其君愛之如父母仰之

如日月敬之如神明畏之如雷霆其可出乎夫君神之

主而民之望也若困民之主匱神之祀百姓絕望社稷

象

與里華成公之  
對異語同心而  
此尤開豁切至



無主將安用之弗去何為天生民而立之君使司牧之  
勿使失性有君而為之貳卿使師保之勿使過度是故

天子有公諸侯有卿卿置側室支子大夫有貳宗宗子

士有朋友庶人工商皂隸牧圉皆有親暱以相輔佐也

善則賞之過則匡之患則救之失則革之自王以下各

有父兄子弟以補察其政史為書君舉則書瞽為詩風工誦

箴諫大夫規誨士傳言傳告大夫庶人謗商旅于市旅陳也

物以示時百工獻藝以喻政事故夏書曰道人以木鐸徇于

路官司相規工執藝事以諫正月孟春於是乎有之有

人徇路諫失常也天之愛民甚矣豈其使一人肆於民

天之愛民以下  
諸極精微



上以從其淫而棄天地之性必不然矣

荀偃議定衛

左傳襄公十四年

晉侯

悼

問衛故於中行獻子

荀偃

對曰不如因而定之衛

有君矣

已立

伐之未可以得志而勤諸侯史佚有言曰

因重而撫之仲虺有言曰亡者侮之亂者取之推亡固存國之道也君其定衛以待時乎會于戚謀定衛也

陽畢議逐欒盈

國語

箕遺及黃淵嘉父作亂不克而死

欒盈之黨爲公

平謂

陽畢曰自穆侯以至於今亂兵不輟民志無厭禍敗無

已離民且速寇恐及吾身若之何陽畢對曰本根猶樹

古微露其旨中  
示以滅立未示  
以震置



枝葉益長本根益茂是以難已也。今若大其柯去其枝

葉絕其本根可以少間。

謂滅欒氏而去其黨

公曰子實圖之。陽畢

曰圖在明訓。明訓在威權。威權在君。君掄賢人之後有

常位於國者而立之。亦掄逞志虧君以亂國者之後而

去之。是遂

申

威而遠權。民畏其威而懷其德。莫能勿從。

若從則民心皆可畜畜其心而知其欲惡。民孰偷生。若

不偷生則莫思亂矣。且夫欒氏之誣晉國也久矣。欒書

實覆宗殺厲公以厚其家。若滅欒氏則民威矣。若起瑕

原韓魏之後。

瑕嘉原軫韓萬魏畢萬皆賢人

而賞立之則民懷矣。威與

懷各當其所則國安矣。君治而國安欲作亂者誰與公



曰樂書立吾先君悼公樂盈不獲罪盈為母范祁所如何

陽畢曰夫正國者不可以暱於權行權不可以隱於私

暱於權則民不道不可行權隱於私則政不行政不行

何以道民民之不道亦無君矣則其為暱與隱也復產

害矣且勤君身君其圖之若愛樂盈則明逐群賊知起中行

嘉州綽邢而以國倫數而遣之厚戒箴國以待之彼若

求逞志而報於君罪孰大焉滅之猶少彼若不敢而遠

逃乃厚其外交而勉之以報其德不亦可乎公許諾盡

逐群賊樂盈出奔楚在楚一年樂盈復奔齊齊納之遂帥曲沃之甲以叛范宣子討之滅

氏樂



後

後

范鞅論立身 國語

訾祐歿范宣子句士謂獻子曰鞅乎昔者吾有訾初也吾朝夕顧焉事問以以相晉國且為吾家今吾觀女也專則不能謀則無與臣無賢將若之何對曰鞅也居處恭不敢安易不自安而簡略敬學而好仁和於政而好其道謀於衆不以賈好求為好私志雖衷不敢謂是也必長者之由宣子曰可以免身

師曠論樂 國語

平公說新聲濮士之音師曠曰公室其將卑乎君之明兆於衰矣夫樂以開山川之風以耀德於廣遠也風德以廣



學樂知政師曠  
有焉

一人同心其味  
可想

之風山川以遠之風物以聽之修詩以詠之修禮以節  
之夫德廣遠而有時節是以遠服而邇不遷

叔向稱司馬侯 國語

叔向見司馬侯之子撫而泣之曰自此其父之歿吾蔑  
與比而事君矣昔者此其父始之我終之我始之夫子  
終之無不可 謂有所建為及諫爭 籍偃在側曰君子有  
比乎叔向曰君子比而不別比德以贊是比也引黨以  
封已利已而忘君別也 別為黨

叔向論所取法 國語

趙文子 武 與叔向游于九京曰歿者若可作也吾誰與



禮考亦載而文  
稍殊

去

○

歸叔向曰其陽子乎父處文子曰夫陽子行廉直於晉國

不免其身剛而無謀為其知不足稱也叔向曰其舅犯

乎文子曰舅犯見利不顧其君從晉文出亡在外其仁

不足稱也其隨武子乎會士納諫不忘其師言身不失其

友事君不援而進不阿而退進賢退不肖

叔向議賦國語

秦后子鐵來仕避景其車千乘楚公子于來仕避靈其

車五乘叔向為太傅實賦韓宣子起問二公子之祿

焉對曰大國之卿一旅之田公之孤四命五百人上大

夫一卒之田上大夫一命百人夫二公子者上大夫也

夫一卒之田為卒為田百頃



皆一卒可也宣子曰秦公子富若之何其均之也對曰

夫爵以建事祿以食爵德以賦之功庸以稱之傳曰序

德鈞以年若何其以富賦祿也夫絳之富商韋藩以韋

年同以尊後木槌檐以過于朝唯其功庸少也惟無功不而能金

玉其車文錯其服言富商之財足以為此車能行諸侯

之賄而無尋尺之祿無大績於民故也且楚秦匹也若

之何其回曲於富也乃均其祿

○叔向與齊晏嬰論國政左傳昭公三年

齊侯景使晏嬰請繼室于晉少姜既成昏許之晏子受

禮受叔向從之宴相與語叔向曰齊其何如晏子曰此

剛賢相遇道政  
字悲懷閔國乏



隱憂懼剥落之  
將及異世讀之  
猶令黯然殆難  
為情亦非左氏  
寫不到此

季世也吾弗知齊其為陳氏矣公棄其民而歸於陳氏

齊舊四量豆區釜鍾四升為豆各自其四以登於釜

為區容斗六升四區釜十為鍾六斛陳氏三量皆登一

焉鍾乃大矣以五升為豆五豆為區五區以家量貸而

以公量收之山木如市弗加於山魚鹽蜃蛤弗加於海

賈如在山民參其力二入於公而衣食其一以三分計

海不加貴公聚朽蠹而三老凍餒國之諸市屢賤踊貴則

二民得其一民人痛疾而或噢咻之陳氏痛念之其愛之如父母而歸

之如流水欲無獲民將焉辟之箕伯直柄虞遂伯戲四

皆舜之後其相胡公大姬已在齊矣相助也胡公陳始

陳氏之先祖大姬其妃也言



陳將伐齊先祖神靈於是乎在矣叔向曰然雖吾公室今亦季世也戎

馬不駕卿無軍行不討救公乘無人卒別無長庶民罷

敝而宮室滋侈道殣相望餓殍而女富溢充嬖妾民間

公命如逃寇讐樂卻胥原狐續慶伯入姓降在皂隸政在

家門民無所依君日不悛以樂懣憂公室之卑其何日

之有讒鼎之銘疾讒曰昧旦丕顯後世猶怠况日不悛

其能久乎晏子曰子將若何叔向曰晉之公族盡矣肸

聞之公室將卑其宗族枝葉先落則公從之肸之宗十

一族唯羊舌氏在而已肸又無子賢公室無度幸而得

歿終考豈其獲祀



儀禮發闡通透  
不可移易

○司馬侯論魯昭公 左傳昭公五年

公如晉 魯昭公即 自郊勞至于贈賄無失禮晉侯 平謂

女叔齊曰魯侯不亦善於禮乎對曰魯侯焉知禮公曰

何為自郊勞至贈賄禮無違者何故不知對曰曰是儀

也不可謂禮禮所以守其國行其政令無失其民者也

今政令在家不能取也有子家驪弗能用也妖犯大國

之盟陵虐小國利人之難不知其私公室四分民食於

他 仰食三家 思莫在公不圖其終 無為公謀 為國君難

將及身不恤其所禮之本末將於此乎在 在恤民而 屑

屑為習儀以亟言善於禮不亦遠乎 君子謂叔侯於



是乎知禮

士文伯論日食

左傳昭公七年

夏四月甲辰朔日有食之

魯昭公七年晉平公之二十三年也

晉侯問於

士文伯

句

曰誰將當日食對曰魯衛惡之

受其惡

衛大魯

小

禍有大小

公曰何故對曰云衛地如魯地

衛地豕韋也魯地降婁也言食

於豕韋之未及降婁之治

於是有災魯實受之其大咎其衛君乎魯

將上卿公曰詩所謂彼日而食于何不臧者何也對曰

不善政之謂也國無政不用善則自取謫于日月之災

故政不可不慎也務三而已一曰擇人二曰因民三曰

從時

八月衛襄公卒十一月季武子

宿卒

晉侯謂伯



七

或為焉民聽濫  
也可謂明於物  
理作事不時以  
下可謂達於治

珣句曰吾所問日食從矣

如其言

可常乎對曰不可六物

不同民心不壹事序不類官職不則同始異終胡可常

也詩曰或燕燕居息或惓惓事國其異終也如是公曰

何謂六物對曰歲時日月星辰是謂也公曰多語寡人

辰而莫同

如壯辰大辰之類

何謂辰對曰日月之會是謂辰

歲一

日月十二會

故以配日

謂以子丑所會謂之辰配甲乙

師曠論石言

左傳昭公八年

石言于魏榆晉侯

平

問於師曠曰石何故言對曰石不

能言或馮焉不然民聽濫也抑臣又聞之曰作事不時

怨譴動于民則有非言之物而言今官室崇侈民力彫



盡怨讟並作莫保其性石言不亦宜乎於是晉侯方築

虎祁之宮

築宮於虎祁

叔向曰子野

曠字

之言君子哉君子之

言信而有徵故怨遠於其身小人之言僭而無徵故怨

咎及之詩曰哀哉不能言匪舌是出唯躬是瘁哿矣能

言巧言如流俾躬處休其是之謂乎是宮也成諸侯必

叛君必有咎夫子其知之矣

真氏曰侈一宮室而上天爲之示異諸侯爲之離心

故曰侈惡之大也可不戒夫

### 史趙論陳事

左傳昭公八年

楚滅陳

陳公子招公子過殺太子偃師而立公子留晉哀公憂患自縊楚棄疾奉孫吳討陳滅之

侯平問於史趙曰陳其遂亡乎對曰未也公曰何故對

去天



去

文格最密大故  
以上其再興為  
主首引史佚之  
言以徵其行再

曰陳顓頊之族也歲在鶉火是以卒滅火盛則水滅顓頊以水德王故

於此陳將如之今在析木之津其斗之間有天漢故云猶將復由

謂當且陳氏得政于齊而後陳卒亡物莫能白幕至于

瞽瞍無違命違天命而廢絕舜重之以明德寘德於遂毀封舜後於遂

遂世守之及胡公不淫故周賜之姓使祀虞帝臣聞盛

德必百世祀虞之世數未也繼守將在齊其兆既存矣

叔向譽單靖公周國語

羊舌肸聘于周發幣於大夫及單靖公靖公享之儉而

敬賓禮贈餞視其上而從之上位在靖公上者燕無私

好貨及邇送不過郊語說昊天有成命周頌篇名單

豆之加及此詩而樂



明昊天之首以  
論其心又自引  
其類維何之詩  
以闡揚之總應  
分照曲曲不遺  
關於茲者不難  
敘述矣

之老送叔向叔向告之曰異哉吾聞之曰一姓不再興  
今周其興乎其有單子也昔史佚有言曰動莫若敬居  
莫若儉德莫若讓事莫若咨單子之况我禮也皆有焉  
夫宮室不崇器無彤鏤儉也身聳除治潔外內齊給  
敬也宴好享賜不踰其上讓也賓之禮事放上而動咨  
也如是而加之以無私重之以不殺雜也衆人過能辟  
怨矣居儉動敬德讓事咨而能辟怨以爲卿佐其有不  
興乎且其語說昊天有成命頌之盛德也其詩曰昊天  
有成命二后受之成王不敢康修已自勤以夙夜基命  
宥密緝熙亶厥心肆其靖之是道成王之德也成王能



明文昭能定武烈者也夫道成命者而稱昊天翼敬其

上也二后受之讓於德也成王不敢康敬百姓也夙夜

恭也基始也命信也宥寬也密寧也緝明也熙廣也亶

厚也肆固也靖饒也其始也翼上德讓而敬百姓其中

也恭儉信寬帥歸於寧帥循也循此四德行之而歸於安民其終也廣厚

其心以固饒之始於德讓中於信寬終於固饒故曰成

單子儉敬讓咨以應成德單若不興子孫必蕃後世不

忘詩曰其類維何室家之壺君子萬年永錫祚胤類也

者不忝前哲之謂也壺也者廣裕民人之謂也萬年也

者令聞不忘之謂也祚胤也者子孫蕃育之謂也單子



朝夕不忘成王之德可謂不忝前哲矣。膺保明德必佐王室可謂廣裕民人矣。若能類善物以混厚民人者必有章譽蕃育之祚則單子必當之矣。單若有闕必茲君靖公之子孫實續之不出於它矣。

叔向議邢侯獄 左傳昭公十四年

邢侯與雍子

二人皆故楚人

爭鄆田久而無成士景伯如楚叔

魚攝理

羊舌鮒代景伯治獄

韓宣子

起

命斷舊獄罪在雍子雍子

納其女於叔魚叔魚蔽罪邢侯邢侯怒殺叔魚與雍子

於朝宣子問其罪於叔向叔向曰三人同罪施生戮成

可也雍子自知其罪而賂以買直鮒也鬻獄邢侯專殺



樂多謬悠荒唐之談

其罪一也已惡而掠美爲昏貪以敗官爲墨殺人不忌  
爲賊夏書曰昏墨賊殺臯陶之刑也請從之乃施邢侯  
加罪於邢侯而殺之而尸雍子與叔魚於市

蔡墨論龍

左傳昭公二十九年

龍見于絳郊魏獻子

舒

問於蔡墨曰吾聞之蟲莫知於

龍以其不生得也謂之知信乎對曰人實不知非龍實

知古者畜龍故國有豢龍氏有御龍氏獻子曰是二氏

者吾亦聞之而不知其故是何謂也對曰昔者颺叔安

古國

有裔子曰董父實甚好龍能求其耆欲以飲食之

龍多歸之乃擾畜龍以服事帝舜帝賜之姓曰董氏曰



豢龍封諸鬲川、鬲夷氏其後也、故帝舜氏世有畜龍、及

有夏孔甲、擾于有帝、天能順帝賜之乘龍、河漢各二、各有

雌雄、孔甲不能食、而未獲拳龍氏、有陶唐氏既衰、其後

有劉累、學擾龍于豢龍氏、以事孔甲、能飲食之、夏后嘉

之、賜氏曰御龍、以更豢韋之後、龍一雌死、潛醢以食、夏

后夏后饗之、既而使求之、懼而遷于魯縣、范氏其後也、

獻子曰、今何故無之、對曰、夫物物有其官、官修其方、朝

夕思之、一日失職、則死及之、失官不食、無官宿安其業

其物乃至、如水官修若泯棄之、失物乃坻伏、止息鬱湮

不育、故有五行之官、是謂五官、實列受氏姓、封爲上公、



祀為貴神、社稷五祀是尊是奉、五官能修業者成皆配食於五行之神為王者

所尊木正官曰句芒而有芒角也火正曰祝融明金正

曰蓐收秋物摧蓐而可取也水正曰玄冥水陰而幽冥土正曰后土土為

群物主龍水物也、水官棄矣、故龍不生得、不然周易有

之在乾之垢乾初九變曰潛龍勿用、其同人乾九二變曰見龍在

田、其大有乾九五變曰飛龍在天、其夬乾上九變曰亢龍有悔、其

坤乾六爻皆變曰見群龍無首吉、坤之剝坤上六變曰龍戰于野

若不朝夕見、誰能物之、說易者皆以龍喻陽氣如史墨之言則皆是真龍矣獻子

曰社稷五祀、誰氏之五官也、對曰少皞氏有四叔、曰重

曰該、曰修、曰熙、實能金木及水、能治其官使重為句芒、木該正



為蓐收

金正

修及熙為玄冥

代為水正

世不失職遂濟窮桑

窮桑

少皞之號也言四子能成少皞之功

此其三祀也

顓頊氏有子曰犁為祝

融

火正

共工氏有子曰句龍

能平水土

為后土此其二祀也后

土為社稷田正也有烈山氏之子曰柱為稷

能播百穀

自夏

以上祀之周棄亦為稷

湯既勝夏廢柱而以棄代之

自商以來祀之

蔡墨論魯事

左傳昭公三十二年

趙簡子

鞅

問於史墨曰季氏出其君

意如逐昭公

而民服焉

諸侯與之君歿於外

乾乾侯

而莫之或罪也對曰物生有兩

有三有五有陪貳故天有三辰地有五行體有左右各

有妃耦王有公諸侯有卿皆有貳也天生季氏以貳魯

亥



歷言臣之強勝  
君之凌替而端  
重於慎器與名  
文字之要機也

侯為日久矣民之服焉不亦宜乎魯君世從其失季氏

世修其勤民忘君矣雖歿於外其誰矜之社稷無常奉

君臣無常位德唯自古以然故詩曰高岸為谷深谷為陵

言高下三后之姓虞夏於今為庶主所知也在易卦雷

乘乾曰大壯天之道也君臣易位若昔成季友桓之季

也文姜之愛子也始震而卜卜人謁之曰生有嘉聞其

名曰友為公室輔生如一人之言有文在其手曰友遂

以名之既而有大功於魯詐慶父受費邑以為上卿至

于文子父行武子宿世增其業不廢舊績魯文公薨而東

門遂殺適惡及立庶宣公魯君於是乎失國權政在季氏



於此君也四公矣宣成襄昭民不知君何以得國是以為君

慎器與名車服爵號不可以假人

○衛

石祁子歸宋猛獲議左傳莊公十二年

宋猛獲奔衛獲南宮萬之黨也萬弑閔公宋人請以曹師討之故獲奔衛萬奔陳宋人請

猛獲于衛衛人欲勿與石祁子曰不可天下之惡一也

惡於宋而保於我保之何補得一夫而失一國與惡而

棄好非謀也衛人歸之宋人醢之宋人亦請萬于陳併獲俱醢

北宮佗論威儀左傳襄公三十一年

衛侯襄在楚北宮文子佗見令尹圍之威儀言於衛侯

侯

侯



論述威儀首終  
其爲卓犖

曰令尹似君矣將有他志雖獲其志不能終也詩云靡  
不有初鮮克有終終之實難令尹其將不免公曰子何  
以知之對曰詩云敬慎威儀惟民之則令尹無威儀民  
無則焉民所不則以在民上不可以終公曰善哉何謂  
威儀對曰有威而可畏謂之威有儀而可象謂之儀君  
有君之威儀其臣畏而愛之則而象之故能有其國家  
令聞長世臣有臣之威儀其下畏而愛之故能守其官  
職保族宜家順是以下皆如是是以上下能相固也衛  
詩曰威儀棣棣不可選也言君臣上下父子兄弟内外  
大小皆有威儀也周詩曰朋友攸攝攝以威儀言朋友



之道必相教訓以威儀也。周書數文王之德曰：大國畏其力，小國懷其德。言畏而愛之也。詩云：不識不知，順帝之則。言則而象之也。紂囚文王七年，諸侯皆從之。囚紂於是乎懼而歸之，可謂愛之。文王伐崇，再駕而降為臣，蠻夷帥服，可謂畏之。文王之功，天下誦而歌舞之，可謂則之。文王之行，至今為法，可謂象之。有威儀也。故君子在位可畏，施舍可愛，進退可度，周旋可則，容止可觀，作事可法，德行可象，聲氣可樂，動作有文，言語有章，以臨其下，謂之有威儀也。

○鄭



史伯議避難國語

文共四大段首  
論戎翟次南方  
次西州而後則  
從論周之弊考  
據精詳敷陳明  
悉

桓公為司徒

幽王時

甚得周眾與東土之人問於史伯曰

王室多故余懼及焉其何所可以逃死史伯對曰王室  
將卑戎狄必昌不可偪也當成周者南有荊蠻申呂應  
鄧陳蔡隨唐北有衛燕翟鮮虞路洛泉徐蒲西有虞虢  
晉隗霍楊魏芮東有齊魯曹宋滕薛鄒莒是非王之支  
子母弟甥舅也則皆蠻荊戎翟之人也非親則頑不可  
入也其濟洛河潁之間乎

左濟右洛  
前潁後河

是其子男之國虢

鄆為大號叔恃勢鄆仲恃險是皆有驕侈怠慢之心而  
加之以貪冒君若以周難之故寄孥與賄焉不敢不許



周亂而弊是驕而貪必將背君君若以成周之衆奉辭

伐罪無不克矣若克二邑號鄆蔽補卅依噪歷辛邑八君

之工也若前莘後河右洛左濟主茅騶山名而食溱洧修

典刑以守之唯是可以少固公曰南方不可乎對曰夫

荆子熊嚴生子四人伯霜中雪叔熊季紂叔逃難於濮

而蠻俗從蠻季紂是立遠氏將起之欲立叔熊禍又不克是天

啓之心也在天意又甚聰明和協得民心益其先王功德過之臣

聞之天之所啓十世不替夫其子孫必光啓土不可偏

也且重黎之後也顓頊命南正重司天杜正黎司地夫黎爲高辛氏火

正以淳耀惇大天明地德光昭四海故命之曰祝融淳耀



天明若歷象三辰也惇大地德若敬授民時其功大矣也光照四海使上下有章也祝始也融明也

夫成天地之大功者其子孫未嘗不章虞夏商周是也

虞幕能聽協風以成樂物生者也因時順氣以育萬物使之樂生夏禹

能單盡平水上以品處庶類者也商契能和合五教以

保于百姓者也周棄能播殖百穀疏萊以衣食民人者

也其後皆為王公侯伯祝融亦能昭顯天地之光明以

生柔嘉材者也其後八姓已董彭禿妖曹斟羊於周未有侯伯佐

制物於前代者昆吾為夏伯矣大彭豕韋為商伯矣當

周未有已姓昆吾蘓顧溫董董姓鬻夷秦龍則夏滅之

矣彭姓彭祖豕韋諸稽則商滅之矣禿姓舟人國則周



滅之矣。妘姓、鄩、郕、路、偃、陽、曹姓、鄒、莒，皆爲采衛。或在王室，或在夷翟，莫之數也。而又無令聞，必不興矣。斟姓無後，融之興者，其在羊姓乎？羊姓夔越，不足命也。蠻、蠻，蠻矣。唯荊實有昭德。若周衰，其必興矣。姜、嬴、荊、羊，實與諸姬代相于也。姜、伯夷之後也。嬴、伯翳之後也。伯夷能禮於神，以佐堯者也。伯翳能議百物，以佐舜者也。其後皆不失祀，而未有興者，周衰其將至矣。公曰：謝西之九州

謝申伯之國

何如？對曰：其民沓。

驢

貪而忍，不可因也。唯謝、邾

之間。

邾南謝北號邾在焉

其豕君侈驕，其民怠沓，其君而未及周

德。

忠信焉周

若更君而周訓之，是易取也。且可長用也。公曰：



周其弊乎對曰殆於必弊者大誓曰民之所欲天必從

之今王棄高明昭顯而好讒慝暗昧惡角犀豐盈伏犀

頰輔豐滿皆福相也而近頑童窮固兩去和而取同夫和實生物

同則不繼以它平它謂之和謂陰陽相生異味相和也故能豐長而

物生之若以同裨同如以水益水盡乃棄矣故先王以土與

金木水火雜以成百物是以和五味以調口剛四支以

衛體和六律以聰耳正七體以役心目為心視耳為心聽口為心聲鼻為

心平八索以成人乾為首坤為腹震為足巽為股離為目兌為口坎為耳艮為手建九

紀以立純德心肝脾肺腎胃膀胱合十數以訓百體王

大夫士阜輿隸僚僕出千品具萬方計億事材兆物收

臺百官各有體統



經入行姦極

萬萬曰姦自十而千而萬轉生至億兆謂王收其常入有此數

故王者居

九咳之田收經入以食兆民周訓而能用之饒樂如一

夫如是饒之至也於是乎先王聘后於異姓求財於有

方擇臣取諫工而講

校

以多物務和同也聲一無聽

須

聲物一無文

須

色

味一無果

須

色

物一不講

須

色

王將棄

是類而與剽同天奪之明欲無弊得乎夫號石父讒誂

巧從之人也而立以為卿士與剽同也棄聘后

申

而立

內妾

如

好窮固也

侏儒戚施

寔御在側

近頑童也

周法

不昭而婦言是行用讒慝也不建立卿士而妖試幸措

用嬖臣於位行暗昧也是物也不可以久且宣王之時



有童謡曰、檠弧箕服、

山桑曰檠弧弓也箕木名服矢房也

實亡周國於是

宣王聞之、有夫婦鬻是器者、王使執而戮之、府之小妾

生女、而非王子也、懼而棄之、此人也、

賣弧服者

收以奔褒褒

人有獄、而以爲入天之命、此父矣、其又可爲乎、訓語有

之曰、夏之衰也、褒人之神化爲二龍、以同于王庭、

共處也

而言曰、余褒之二君也、夏后卜殺之、與去之、與止之、莫

吉、卜請其滌、

沫

而藏之、吉、乃布幣焉、而策告之、龍亡而

滌在櫝、而藏之、傳郊之、

傳祭於郊

及殷周、莫之發也、及厲王

之末、發而觀之、滌流於庭、不可除也、王使婦人不幃、

裳正

幃曰幃

而謀之、化爲玄黿、以入于王府、府之童妾、未既齟



毀齒末盡

而遭之既笄而孕當宣王而生不夫而育故懼而

棄之爲弧服者方戮在路夫婦哀其夜號也而取之以

逸逃於褒褒人褒姒有獄而以爲入于王幽王遂置之

赦其罪而嬖是女也使至于爲后而生伯服天之生此父

矣其爲毒也大矣將侯淫德而加之焉毒之酋腊者極

也其殺也滋速申繒西戎方強王室方騷將以縱欲不

亦難乎主欲殺太子以成伯服伯服立太子宜咎出奔申必求之申

申人弗畀必伐之若伐申而繒與西戎會以伐周周不

守矣繒與西戎方將德申申吕方彊其隩隱愛太子亦

必可知也王師若在在其救之亦必然矣王心怒矣號



去

公從矣凡周存亡不三稔矣君若欲避其難速規所矣  
時至而求用難避恐無及也公說乃東寄孥與賄虢師受  
之卜邑皆有寄地

厲公議討子頹左傳莊公二十年

王子頹享五大夫

為國過伯詹父子禽祝跪奉子頹樂以代惠王王奔鄭子頹立而享之

及徧舞

黃帝堯舜夏商周六代之樂

鄭伯厲聞之見虢叔曰寡人聞

之哀樂失時殃咎必至今王子頹歌舞不倦樂禍也夫

司寇行戮君為之不舉

去樂成難

而況敢樂禍乎奸王之位

禍孰大焉臨禍忘憂憂必及之盍納王乎虢公曰寡人

之願也鄭伯將王自閤門入虢叔自北門入殺王子頹



及五大夫

皇武子議享宋禮

左傳僖公二十四年

宋及楚平宋成公如楚入於鄭鄭伯將享之間禮於皇武子對曰宋先代之後也於周為客天子有事膳焉有喪拜焉豐厚可也鄭伯從之享宋公有加禮也

子產憂國

左傳襄公八年

子國子耳侵蔡獲蔡司馬公子燮鄭人皆喜唯子產不順曰小國無文德而有武功禍莫大焉楚人來討能勿從乎從之晉師必至晉楚爭鄭自今鄭國不四五年弗得寧矣子國子產之父怒之曰爾何知國有大命若而有正

產童子遂能料事而中後為名大夫豈偶然者



史

卿執政童子言焉將為戮矣

子展子駟議從楚

左傳襄公八年

楚子囊貞伐鄭討其侵蔡也子駟子國子耳欲從楚子

孔子矯子展欲待晉子駟曰周詩有之曰俟河之清人

壽幾何兆云詢多既下止謀職競作羅競作羅網難而無謀成職此之由也

之多族民之多違事滋無成民急矣姑從楚以紓吾民

晉師至吾又從之敬共幣帛以待來者小國之道也犧

牲玉帛待于二境以待彊者而庇民焉寇不為害民不

罷病不亦可乎子展曰小所以事大信也小國無信兵

亂日至亡無日矣五會之信會難淫會邢會城今將背

之矣義倫



之雖楚救我將安用之親我無成晉以同姓來鄙我是

欲楚欲滅鄭為不可從也謂駟不如待晉晉君方明謂悼

公四軍無闕上中下八卿和睦知瑩將中軍范句佐之

之樂驚將下軍士魴佐之必不棄鄭楚師遼遠糧食將

盡必將速歸何患焉舍之子展聞之伏莫如信完守以

老楚仗信以待晉不亦可乎子駟曰詩云謀夫孔多是

用不集發言盈庭誰敢執其咎如匪行邁謀是用不得

于道請從楚駢也受其咎乃及楚平

子產然明論政左傳襄公二十五年

晉程鄭卒子產始如然明以如問為政焉對曰視民如

子駟之謀在失  
竟召後襲

子產



予見不仁者誅之如鷹鷂之逐鳥雀也子產喜以語子  
大叔且曰他日吾見蔑之面而已今吾見其心矣乎子  
大叔問政於子產子產曰政如農功日夜思之思其始  
而成其終朝夕而行之行無越思如農之有畔其過鮮  
矣

子展伯有議會葬

左傳襄公二十九年

葬靈王鄭上卿有事

簡公在楚上卿居守

子展使印段往伯有曰

弱不可子展曰與其莫往弱不猶愈乎詩云王事靡盬  
不遑啓處東西南北誰敢寧處堅事晉楚以蕃王室也  
王事無曠何常之有遂使印段如周

知蕃王室之義  
難矣



上

○游吉譏晉城杞左傳襄公二十九年

晉知悼子荀盈合諸侯之大夫以城杞平公杞出鄭子大

叔游吉與伯石往子大叔見大叔文子衛大與之語文子

曰甚乎其城杞也子大叔曰若之何哉晉國不恤周宗

之闕而夏肆是屏肆餘也其棄諸姬亦可知也已諸姬

是棄其誰歸之吉也聞之棄同即異是謂離德詩曰協

比其鄰昏姻孔云晉不鄰矣其誰云之歸附也

裨諶論國事左傳襄公二十九年

伯有良霄使公孫黑如楚辭曰楚鄭方惡而使余往是殺

余也伯有曰世行也世為行人子皙黑字曰可則往難則已何



季札謂子產鄭之執政修難將至矣政必及子至此而駢

子產之繫衷望如此

體裁渾成晉侯之失節理而縱淫嬖久矣不知自反而聽小人

世之有伯有將強使之子哲怒將伐伯有氏大夫和之

盟於伯有氏裨諶曰是盟也其與幾何不能久詩曰君子

屢盟亂是用長今是長亂之道也禍未歇也必三年而

後能紓然明曰政將焉往裨諶曰善之代不善天命也

其焉辟子產天意有在舉不踰等則位班也擇善而舉則世

隆也天又除之奪伯有魄子西即世將焉辟之天禍鄭

久矣其必使子產息之乃猶可以戾定不然將亡矣

### 子產論晉侯疾左傳昭公元年

晉侯平有疾鄭伯簡使公孫僑如晉聘且問疾叔向問

焉曰寡君之疾病卜人曰實沈臺駘為祟史莫之知敢



之言歸返於崇  
 子產亦言實沈  
 臺駘之實有此  
 禘以解其惑斷  
 然以為二者不  
 及君身又述山  
 川星辰之神亦  
 不能為而備論  
 其由前二者之  
 縱失惜乎晉侯  
 不能改而叔向  
 亦從善之不能  
 推明以匡其君  
 也

問此何神也子產曰昔高辛氏有二子伯曰閼伯季曰

實沈居于曠林不相能也日尋于戈以相征討后帝不

臧克不善遷閼伯于商丘主辰祀大商人是因故辰為

商星遷實沈于大夏主參祀水唐人是因以服事夏商其

季世曰唐叔虞當武王邑姜方震大叔邑姜武王后震

王弟叔虞也夢帝謂已余命而子曰虞將與之唐以與唐季

名屬諸參而蕃育其子孫及生有文在其手曰虞遂以

命之及成王滅唐而封大叔焉故參為晉星不曰唐而

虞之子熒父由是觀之則實沈參神也昔金天氏有裔

子曰昧為玄冥師水官主允格臺駘臺駘能業其官宣



汾洮障大澤以處大原

臺駘所居帝顓

用嘉之封諸汾川沈

姒蓐黃

四國

實守其祀今晉主汾而滅之矣由是觀之則

臺駘汾神也抑此二者不及君身山川之神則水旱厲

疫之災於是乎榮之日月星辰之神則雪霜風雨之不

時於是乎榮之若君身則亦出入飲食哀樂之事也山

川星辰之神又何為焉

不能為禍

僑聞之君子有四時朝以

聽政晝以訪問夕以修令夜以安身於是乎節宜其氣

勿使有壅閉湫底以露其體

壅謂氣阻而不行閉謂氣塞而不通湫謂氣聚而不

散底謂氣滯而不快露羸也

茲心不爽而昏亂百度今無乃壹之

不順

時以節其氣

則生疾矣僑又聞之內官不及同姓

克嬪御

其生



不殖美先盡矣則相生疾

人於同姓相愛尤厚若又為夫婦則相愛之美極矣美極

則盡不復生美生疾而已

君子是以惡之故志曰買妾不知其姓則

卜之違此二者

壹四時取同姓

古之所慎也男女辨姓禮之大

節也今君內實有四姬焉其無乃是也乎若由是二者

弗可為也已四姬有省

減

猶可無則必生疾矣叔向曰

善哉盼未之聞也此皆然矣晉侯聞子產之言曰博物

君子也重賄之

真氏曰子產能知實沈臺駘為參汾之神可謂博物矣然推晉侯之疾不歸之

鬼而歸之飲食哀樂之間則可謂明理而非但博物者也晉侯獨以博物目之豈知子產者耶

游吉與晉大夫論國事

左傳昭公三年

游吉如晉送少姜之葬

景公妾

梁丙與張趯見之梁丙曰



張趯此言其欠  
忠厚

甚矣哉子之為此來也子大叔曰將得已乎昔文惠之

霸也其務不煩諸侯令諸侯三歲而聘五歲而朝有事

而會不協而盟君薨大夫弔卿共葬事夫人有士弔大

夫送葬王制諸侯殷聘世朝有喪士弔大夫送葬時俗過制故文襄節之然猶過於古足以昭

禮命事謀闕而已無加命矣今嬖寵之喪不敢擇位而

數于守適不以位卑而令禮數如守嫡夫人唯懼獲戾豈敢憚煩少姜

有寵而外齊必繼室今茲吾又將來賀不唯此行也張

趯曰善哉吾得聞此數也然自今子其無事矣譬如火

焉火中寒暑乃退火心星也心以季夏昏中而暑退季冬旦中而寒退此其極也

能無退乎晉將失諸侯諸侯求煩不獲不復能煩諸侯二大夫



退子大叔告人曰張趯有知其猶在君子之後乎譏其不為

晉諱

子產論厲鬼左傳昭公七年

子產適晉趙景子成問焉曰伯有猶能為鬼乎伯有鄭大夫良

腎也汰侈嗜酒與公孫黑爭因作亂鄭人殺之為厲子產立其子良止以止之子產曰能人生

始化曰魄形也既生魄陽曰魂陽神也用物精多祿位高享物備則取

精則魂魄強是以有精爽至於神明匹夫匹婦強死其

魂魄猶能馮依於人以為淫厲况良霄我先君穆公之

冑子良之孫子耳之子敝邑之卿從政三世矣鄭雖無

腆微抑諺曰蕞爾國而三世執其政柄其用物也弘矣

其論非怪實有  
此理易曰精氣  
為物游神為靈



其取精也多矣其族又大所馮厚矣而強必能為是不亦宜乎

子產論罕朔

左傳昭公七年

罕朔奔晉

以殺罕  
趙故

韓宣子

起

問其位於子產子產曰君

之羈臣苟得容以逃必何位之敢擇卿違從大夫之位

謂以禮去國  
者降位一等

罪人以其罪降

罪重則  
降多

古之制也朔於敝

邑亞大夫也其官馬師也獲戾而逃唯執政所寘之得

免其死為惠大矣又敢求位宣子為子產之敏也使從

嬖大夫

不以  
罪降

游吉述禮儀

左傳昭公二十五年



子大... 子大... 子大...

子大叙見趙簡子鞅簡子問揖讓周旋之禮焉對曰是

儀也非禮也簡子曰敢問何謂禮對曰吉也聞諸先大

夫子產曰夫禮天之經也地之義也民之行也天地之

經而民實則之則天之明日月星辰因地之性高下生其六

氣陰陽風雨晦明用其五行金木水火土氣為五味酸甘鹹辛苦癸為五

色青黃赤白黑章為五聲宮商角徵羽淫則昏亂民失其性氣味

過度則傷性是故為禮以奉之制禮為六畜馬牛羊豕犬雞五牲麋鹿

麋狼麋三犧祭天地宗廟謂之犧以奉五味成其為九文山龍華蟲藻火黼黻

六采青白赤黑玄黃五章文華黼黻以奉五色為九歌九德八風

入方之風七音五聲加變六律陰陽各六以奉五聲為君臣上下



以則地義為夫婦外內以經二物夫治外事婦治內事為父子兄

弟姑姊甥舅昏媾姻亞妻父曰昏重昏曰媾壻父曰姻兩壻相謂曰亞以象天

明為政事在君為政在臣為事庸民功曰庸力行務行其德教務其財要以

從四時為刑罰威獄使民畏忌以類其震曜殺戮象天之威

為溫慈惠和以效天之生殖長育民有好惡喜怒哀樂

生于六氣是故審則宜類人君為政審法時之所宜事之所類以制六志

好惡喜怒哀樂使不過節哀有哭泣樂有歌舞喜有施舍怒有戰鬪

喜生于好怒生于惡是故審行信令禍福賞罰以制

生事之生好物也好者死事之惡物也惡者好物樂也惡物哀也

哀樂不失乃能協于天地之性是以長久簡子曰甚哉

宋文為此一轉  
愈覺精神



禮之大也對曰禮上下之紀天地之經緯也民之所以  
 生也是以先王尚之故人之能自曲直以赴禮者品節以弼  
 其性謂之成人夫不亦宜乎簡子曰鞅也請終身守此言  
 也

○宋

子魚論社用人 左傳僖公十九年

宋公襄使邾文公用鄫子于次睢之社殺以為犧牲欲以屬

東夷夷狄畏鬼宋蓋假此妖神以誘其眾使聚也司馬子魚曰古者六畜不

相為用小事不用大牲若釁廟用羊釁門及夾室用鷄之類而况敢用人

乎祭祀以為人也民神之主也用人其誰饗之齊桓公

用人以祭而後  
 乃有愛重傷愛  
 二毛之言將誰  
 欺欺天乎

宋



存三亡國

魯衛邢

以屬諸侯義士猶曰薄德

謂欲乘亂取

封衛

今一會而虐二國之君

執滕執鄆

又用諸淫昏之鬼

非周社

將以求霸不亦難乎得死為幸

子魚論戰事

左傳僖公二十二年

宋公及楚人戰于泓

宋襄伐鄭楚伐宋以救鄭

宋人既成列楚人未

既濟司馬

子魚

曰彼衆我寡及其未既濟也請擊之公曰

不可既濟而未成列又以告公曰未可既陳而後擊之

宋師敗績公傷股門官殲焉

殺之盡

國人皆咎公公曰君

子不重傷不禽二毛

頭半白黑者

克之為軍也不以阻隘也

寡人雖亡國之餘不鼓不成列

耻以詐勝

子魚曰君未知戰

130



愛重傷則如勿  
傷愛二毛則如  
服焉子魚達權  
知本之言也宋  
公欲雪孟之耻  
而不度其力之  
不能徒假匹夫  
之信以自文後  
人乃比之文王  
真可大笑

勅敵之人隘而不列天贊我也阻而鼓之不亦可乎猶

有懼焉雖因阻以擊尚恐不勝且今之勅者皆吾敵也雖及胡者

元獲則取之何有於二毛明耻教戰教戰之法明設刑戮以耻不勇求

殺敵也傷未及死言能害身如何勿重若愛重傷則如弗傷

愛其二毛則如服焉不戰而服三軍以利用也金鼓以聲氣

也利而用之阻隘可也聲盛致志鼓儼可也儼嚴未整陣蘇氏曰

公羊嘉之以爲文王之戰不過於此余切笑之夫襄公

陵虐小國至使邾人用鄆子于次睢之社雖桀紂有不

爲乃欲以不鼓不成列不禽二毛求爲文王不亦過甚

矣哉胡氏曰襄公伐齊之喪奉少奪長使齊人有殺無  
處之惡有敗績之傷此晉獻公之所以亂其國者罪一  
也桓公有三亡國義士猶曰薄德而一會虐二國之君  
罪二也曹人不服盍姑省德無關然後動而興師圍之  
罪三也凡此三者不仁非義襄公敢行而獨愛重傷與



二毛則亦何異盜跖之以分均出後為仁  
義陳仲子以辟兄離母居於陵為庶乎

○陳

逢滑議辭吳

左傳哀公元年

吳之入楚也

闔廬破楚入郢

使召陳懷公懷公朝國人而問焉

曰欲與楚者右欲與吳者左陳人從田無田從黨

田在西者

居右在東者居左都邑之人無田隨黨而立

逢滑當公而進

不左右

曰臣聞國

之興也以福其亡也以禍今吳未有福楚未有禍楚未

可棄吳未可從而晉盟主也若以晉辭吳若何公曰國

勝君亡

楚為吳所勝昭王奔隨

非禍而何對曰國之有是多矣何

必不復小國猶復况大國乎臣聞國之興也視民如傷



是其福也其亡也以民為土芥是其禍也楚雖無德亦不艾殺其民吳日敝於兵暴骨如莽而未見德焉天其或者正訓楚也禍之適吳其何日之有言今陳侯從之

吳辭

○齊

管仲論政

國語

管仲至

無知弒襄公管夷吾奉公子糾奔魯魯莊公納糾桓公自莒先入取糾殺之請仲於魯鮑叔薦

之桓公親逆之于郊而與之坐問焉曰昔吾先君襄公也

築臺以為高位田狩畢弋不聽國政卑聖侮士而唯女

是崇九妃六嬪陳妾數百食必梁肉衣必文繡戎士凍

七

札公初見管仲  
開誠諮詢孜孜  
不已欲興事功  
以蓋前愆氣格  
既殊而管仲立  
談之頃制令規



祭後析教  
具兼罔有遺  
通一匡九合有  
以也夫

餒戎車待游車之裂殘戎士待陳妾之餘優笑在前賢

材在後是以國家不日引不月長恐宗廟之不掃除社

稷之不血食敢問爲此若何管子對曰昔吾先王昭王

穆王世法文武遠績以成名合群叟比校民之有道者

設象以爲民紀設教民之法於象魏也式權以相應式用也權平也治政用民

使均平比綴以度比比其衆寡綴連其夫家度法也搏本肇末搏等也肇正也

勸之以賞賜糾之以刑罰班序顛毛以髮之白黑序長幼以爲民

紀統桓公曰爲之若何管子對曰昔者聖王之治天下

也參其國而伍其鄙三分國都以爲三軍五分其鄙以爲五屬定民之居成

民之事陵爲之終葬而慎用其六柄焉生殺貧富貴賤桓公曰



成民之事若何管子對曰四民者勿使雜處雜處則其

言吮

亂

其事易

變

桓公曰處士農工商若何管子對曰

昔聖王之處士也使就閒燕處工就官府處商就市井

處農就田野今夫士群萃而州

聚

處閒燕則父與父言

義子與子言孝其事君者言敬其幼者言悌少而習焉

其心安焉不見異物而遷焉是故其父兄之教不肅而

成其子弟之學不勞而能夫是故士之子恒爲士今夫

工群萃而州處審其四時辨其功苦

堅脆

權節其用論比

協材且莫從事施於四方以飭其子弟相語以事相示

以巧相陳以功

功成則有賞

少而習焉其心安焉不見異物



而遷焉是故其父兄之教不肅而成其子弟之學不勞  
而能夫是故工之子恒爲工今夫商群萃而州處察其  
四時而監其鄉之資財以知其市之賈負任擔荷服牛  
輶馬以周四方以其所有易其所無市賤鬻貴旦暮從  
事於此以飭其子弟相語以利相示以賴羸相陳以知  
賈少而習焉其心安焉不見異物而遷焉是故其父兄  
之教不肅而成其子弟之學不勞而能夫是故商之子  
恒爲商今夫農群萃而州處察其四時權節其用耒耜  
枷芟及寒擊草枯除田以待時耕及耕深耕而疾耰之  
以待時雨時雨旣至挾其槍刈耨鎛以旦莫從事於田



野脫衣就功首戴茅蒲

註

身衣襚襖

蓑

霑體塗足暴其

髮膚盡其四肢之敏

材

以從事於田野少而習焉其心

安焉不見異物而遷焉是故其父兄之教不肅而成其

子弟之學不勞而能夫是故農之子恒為農野處而不

暱其秀民之能為士者必足賴也有司

掌民之官

見而不以

告其罪五

罪在五刑

有司已於事而悛

伏

桓公曰定民之居

若何

此言國中之民

管子對曰制國以為二十一鄉

二千家為一鄉

桓

公曰善管子於是制國以為二十一鄉工商之鄉六士

鄉十五公帥五鄉焉

中

國子帥五鄉焉高子帥五鄉焉

左右

參國起案以為三官

分國事以為三

臣立三宰工立三



應卷長短不同  
並臻制叙之妙

市立三鄉澤立三虞山立三衛桓公曰伍

子對曰相地而衰征

相地之美惡為賦之輕重

則民不移政不於舊

不以故人為帥旅

則民不偷山澤各致其時則民不苟陸阜陵

墜井田疇均則民不憾無奪民時則百姓富犧牲不畧

則牛羊遂桓公曰定民之居若何

此言郊外之民

管子對曰制

鄙三十家為邑邑有司十邑為卒卒有卒帥十卒為鄉

鄉有鄉帥三鄉為縣縣有縣帥十縣為屬屬有大夫五

屬故立五大夫各使治一屬焉立五正各使聽一屬焉

是故正之政聽屬

五正聽於大夫

牧政聽縣

五屬大夫聽於縣帥

下政聽

鄉

縣帥聽於鄉帥

桓公曰各保治爾所無或淫怠而不聽治者



卷五

五卷

仲孫湫論魯事

左傳閔公元年

仲孫湫論魯事

左傳閔公元年

仲孫湫來省

難魯莊公薨慶父殺子般立閔公國

仲孫

歸曰不去慶父魯難未已公曰若之何而去之對曰難

不已將自斃君其待之公曰魯可取乎對曰不可猶秉

周禮周禮所以本也臣聞之國將亡本必先顛而後枝

葉從之魯不棄周禮未可動也君其務寧魯難而親之

親有禮因重固

安者成之問攜貳

離而疑者問之覆昏亂霸王之器

也

晏子議昏禮

左傳襄十二年

靈王求后于齊齊侯

靈

問對於晏桓子

弱

桓子對曰先

仲孫猶知大義



○  
家

是文錯綜比並  
亦如和羹之味  
雅樂之音

王之禮辭有之天子求后於諸侯諸侯對曰夫婦所生

若而人不敢譽亦不敢妾婦之子若而人無女而有姊

妹及姑姊妹則曰先守某公之遺女若而人齊侯許昏

王使陰里結之官師劉夏從單靖公逆王后于齊

晏子論和同左傳昭公二十年

齊侯景至自田晏子嬰侍于適臺子猶梁丘馳而造焉

公曰唯據與我和夫晏子對曰據亦同也焉得為和公

曰和與同異乎對曰異和如羹焉水火醯醢鹽梅以烹

魚肉燂之以薪宰夫和之齊之以味濟其不及以洩其

過君子食之以平其心君臣亦然君所謂可而有否焉

卷之六

卷之六

卷之六



臣獻其否以成其可。君所謂否而有可焉。臣獻其可以  
去其否。是以政平而不干民無爭心。故詩曰亦有和羹  
既戒既平。醴醑無言。時靡有爭。先王之濟五味和五聲  
也以平其心戒其政也。聲亦如味。一氣須氣二骨文武  
三類風雅頌四物雜用四方之物以成器五聲六律七音八風九歌  
俱解以相成也。清濁小大短長疾徐哀樂剛柔遲速高  
見前下出入周疏以相濟也。君子聽之以平其心心平德和  
故詩曰德音不瑕。今據不然。君所謂可據亦曰可。君所  
謂否據亦曰否。若以水濟水誰能食之。若琴瑟之專壹  
誰能聽之。同之不可也如是。



10  
後

晏子論禮

左傳昭公二十六年

齊侯

景

與晏子坐於路寢公歎曰美哉室其誰有此乎

景公自知德不能久有國故嘆

晏子曰敢問何謂也公曰吾以為在德

對曰如君之言其陳氏乎陳氏雖無大德而有施於民

豆區金鐘之數其取之公也薄其施之民也厚

以私量貸以公

收公厚歛焉陳氏厚施焉民歸之矣詩曰雖無德與女

式歌且舞陳氏之施民歌舞之矣後世若少惰

不修德陳

氏而不亡

猶在

則國其國也已公曰善哉是可若何對曰

唯禮可以已之在禮家施不及國民不遷農不移工賈

不變士不濫官不滔大夫不收公利公曰善哉我不能

晏子之言景公  
凡三善之而卒  
不聞其行也悲  
夫



文勢素迴意纏綿矣

矣吾今而後知禮之可以爲國也對曰禮之可以爲國也久矣與天地並君令臣共父慈子孝兄愛弟敬夫和妻柔姑慈婦聽禮也君令而不違臣共而不貳父慈而教子孝而箴諫兄愛而友弟敬而順夫和而義妻柔而正姑慈而從不自專婦聽而婉禮之善物也公曰善哉寡人今而後聞此禮之上也對曰先王所稟於天地以爲其民也是以先王上之真氏曰方田氏之初不過以小惠市於國人而已使景公用晏子之言脩明君臣上下之禮使惠施出於上而下不得私利權歸於上而下不得擅則大分明而人心一雖百田氏其能竊國乎景公乃善之而不能用在公則厚歛焉田氏則厚施焉是驅其人而歸之也

○秦



卷五

穆公議置晉君

晉國語左傳僖公九年

穆公召大夫子明及公孫枝曰晉國之亂吾誰使先

舅犯義又公中禮秦穆識善

公卒公子重耳在翟公子夷吾在梁未知所立故問當先立誰若夫二公子而立之

人以爲朝夕之急謂晉無君也大夫子明曰君使繫也繫敏

且知禮敬以知微敏能竄密謀知禮可使敬不隊命微

知可否君其使之乃使公子繫弔公子重耳于翟曰寡

君使繫弔公子之憂謂奔亡又重之以喪寡人聞之得國

常於喪失國常於喪時不可失喪不可久公子其圖之

重耳告舅犯舅犯曰不可亡人無親信仁以爲親是故

置之者不殆父死在堂而求利人孰仁我誰以爲仁實有



之。我以微幸人孰信我。誰以不仁不信將何以長利公

子重耳出見使者曰君惠弔亡臣又重有命。命反重耳

身亡父死不得與於哭泣之位又何敢有他志以辱君

義再拜不稽首起而哭退而不私公子繫退弔公子夷

吾于梁如弔公子重耳之命夷吾告冀芮曰秦人勸勸

我矣冀芮曰公子勉之亡人無狷潔狷潔不行狷則大

重賂配德公子盡之無愛財人實有之我不微幸不亦

可乎公子夷吾出見使者再拜稽首起而不哭退而私

於公子繫曰中大夫里克與我矣吾命之以汾陽之田

百萬嬖大夫不鄭與我矣吾命之以負蔡之田七十萬

幾吾聽冀芮之言後片内外之  
略至於隕身即使不肯得國已  
不正况肯之乎



君苟輔我蔑天命矣

無復天命在秦而已

吾必逐之亡人苟人掃

除宗廟定社稷亡人何國之與有

言但守宗社不敢望國土

君實

郡縣且入河外列城五豈謂君無有亦為君之東游津

梁之上無有難急也

免晉之難

亡人之所懷挾嬰

馬

環

馬

以

望君之塵垢者黃金四十鎰白玉之珩六雙不敢當公

子請納之左右公子縶反致命穆公穆公曰吾與公子

重耳重耳仁再拜不稽首不沒為後也起而哭愛其父

也退而不私不沒於利也

不貪國家

公子縶曰君之言過矣

君若求置晉君而載

成

之置仁不亦可乎君若求置晉

君以成名於天下則不如置不仁以滑

亂

其中且可以

秦穆所知重耳  
之仁而聽公子  
縶之言以立夷  
吾其後戰于韓  
原夷吾見獲



進退臣聞之仁有置武有置仁置德武置服是故先置

公子夷吾是為惠公

公穆謂公孫枝曰夷吾其定乎對曰臣聞之唯則定國

唯有法者可以定國詩曰不識不知順帝之則文王之謂也又曰

不僭不賊鮮不為則無好無惡不忌不克之謂也此釋詩意

今其言多忌克既僭且賊難哉難自定難公曰忌則多怨又焉能

克其言雖多忌適足以自害不能勝人是吾利也朱氏曰秦穆公受賂而納昏庸之君又以其忌

克而為已利是誠何心哉

子桑百里議輸管粟晉國語 左傳僖公十二年

晉饑乞糴于秦不豹晉不鄭坐里克之黨見殺其子豹奔秦曰晉君無禮



慍惛埋心耳乃忘平和君子弗忘也五降不息則雜聲並奏所謂鄭衛之

音物亦如之至於煩乃舍也已無以生疾煩而不舍則生疾君

子之近琴瑟以儀節也非以慍心也天有六氣降生五

味金味辛木味酸水味鹹火味苦土味甘發為五色辛色白酸色青鹹色黑苦色赤甘色黃

徵為五聲白聲商青聲角黑聲羽赤聲徵黃聲宮淫生六疾六氣曰陰陽

風雨晦明也分為四時序為五節五行之節過則為蓄陰淫

寒疾陽淫熱疾風淫末疾手足緩急雨淫腹疾晦淫惑疾心亂

明淫心疾勞心女陽物而晦時女常隨男為陽進御在夜為晦淫則生內

熱惑蠱之疾今君不節不時能無及此乎出告趙孟武

趙孟曰誰當良臣對曰主是謂矣主相晉國於今八年

義倫



晉國無亂諸侯無闕可謂良矣和聞之國之大臣榮其寵祿任其大節有蓄禍興而無改焉改行以救蓄必受其咎今君至於淫以生疾將不能圖恤社稷禍孰大焉主不能禦吾是以云也趙孟曰何為蠱蠱對曰淫溺惑亂之所生也於文皿蟲為蠱器受虫害穀之飛亦為蠱積穀久化為虫在周易女惑男風落山謂之蠱巽為長女為風在下艮為少男為山在上皆同物也趙孟曰良醫也厚其禮而歸之

○楚

逢伯議待降禮

左傳僖公六年

蔡穆侯將許僖公以見楚子

成

于武城許男面縛銜璧



思信之人可以  
學禮是以受和  
受采其白爲先

大夫衰經士輿櫬

將受死

楚子問諸逢伯對曰昔武王克

殷微子啓如是武王親釋其縛受其璧而後之

祭以除不祥

焚其親禮而命之使復其所楚子從之

申叔時論教太子

國語

莊王使士亹傳太子箴

蒯王名

辭曰臣不材無能益焉王

曰賴子之善善之也對曰夫善在大子大子欲善善人

將至若不欲善善則不用故堯有丹朱舜有商均啓有

五觀湯有大甲文王有管蔡是五王者皆元德也而有

姦子夫豈不欲其善不能故也若民煩亂可教訓蠻夷

戎翟其不賓也久矣中國所不能用也王卒使傳之問



於申叔時叔時曰教之春秋而爲之從善而抑惡焉以

戒勸其心法天教之世而爲之昭明德而廢幽昏焉以休

懼其動法祖教之詩而爲之道廣顯德以耀明其志教之

禮使知上下之則教之樂以疏其穢而鎮其浮教之令

使訪物官知百官之事教之語使明其德而知先王之務用

明德於民也省方觀民設教教之故志使知廢興者而戒懼焉

教之訓典使知族類行比義焉義之與比若是而不從動而

不悛則文詠物以行之詞詠風物事也求賢良以翼之悛而

不攝則身勤之多訓典刑以納之務慎惇篤以固之攝

而不徹則明施舍以道之忠明久長以道之信明度量



篇層波激浪  
定湯紮廻絕佳  
神止

以道之義。明等級。以道之禮。明恭儉。以道之孝。明敬戒。  
以道之事。明慈愛。以道之仁。明昭利。以道之文。明除害。  
以道之武。明精意。以道之罰。明正德。以道之賞。明齊肅。  
以耀之臨。若是而不濟。不可爲也。且夫誦詩以輔相之。  
威儀以先後之。體貌以左右之。明行以宣翼之。制節義。  
以動行之。恭敬以臨監之。勤勉以勸之。孝順以納之。忠。  
信以發之。德音以揚之。教備而不從者。非人也。其可與。  
乎。夫子踐位則退。謙自退則敬。不則赧。懼

○子囊議其王謚

左傳襄公十三年

楚子疾告大夫曰。不穀不德。少主社稷。生十年而喪先



君莊未及習師保之教訓而應受多福是以不德而亡

師于鄆敗於晉以辱社稷為大夫憂其弘多矣若以大夫

之靈獲保首領以歿於地唯是春秋窀穸之事春秋謂祭祀窀穸

安父謂莊王埋所以從先君於櫛廟者請為靈若厲大夫擇焉莫

對及五命乃許王卒子囊謀謚大夫曰君有命矣子囊

曰君命以共其辭恭若之何毀之赫赫楚國而君臨之撫

有蠻夷奄征南海以屬諸夏而知其過可不謂共乎請

謚之共大夫從之

子庚議用師左傳襄公十八年

鄭子孔嘉欲去諸大夫將叛晉而起楚師以去之使告



子庚信乎有見

子庚

楚公子午

子庚弗許楚子

康

聞之使揚豚尹宣告子庚

曰國人謂不穀主社稷而不出師死不從禮

生不能奉先君之業

死不得從先君之禮

不穀卽位於今五年師徒不出人其以不穀

爲自逸而忘先君之業矣大夫圖之其若之何子庚歎

曰君王其謂午

子庚名

懷安乎吾以利社稷也見使者稽

首而對曰諸侯方睦於晉臣請嘗之若可君而繼之不

可收師而退可以無害君亦無辱楚師伐鄭子庚門于

純門信于城下而還

留兩宿

涉于魚齒

山

之下甚兩楚師

多凍役徒幾盡

子木盛稱晉臣

左傳襄公二十七年

此

義

三



宋公

平

兼享晉楚之大夫

向戌設弭兵之策諸大夫皆盟于宋

趙孟

武

爲

客子木

建

與之言弗能對使叔向侍言焉子木亦不能

對也宋公及諸侯之大夫盟于蒙門之外子木問於趙

孟曰范武子之德何如

士會賢聞於諸侯故問之

對曰夫子之家事

治言於晉國無隱情其祝史陳信於鬼神無愧辭子木

歸以語王

康

王曰尚矣哉能歆神人

神享其祭人懷其德

宜其光

輔五君

又襄陵成景

以爲盟主也子木又語王曰宜晉之伯

也有叔向以佐其卿楚無以當之不可與爭

靈王會諸侯議禮

左傳昭公四年

楚子

靈

合諸侯于申椒舉言於楚子曰臣聞諸侯無歸



禮以爲歸。今君始得諸侯，其慎禮矣。霸之濟否，在此會也。夏啓有鈞臺之享，商湯有景亳之命，周武有孟津之誓，成有岐陽之蒐，康有艷宮之朝，穆有塗山之會，齊桓有召陵之師，晉文有踐土之盟，君其何用？擇於此宋向戌、鄭公孫僑在，在會所諸侯之良也。君其選焉。王曰：「吾用齊桓。」召陵之禮王使問禮於左師。向戌與子產，左師曰：「小國習之大國用之，敢不薦聞。」獻公合諸侯之禮。六子產曰：「小國共職，敢不薦守。」獻伯子男會公之禮。六君子謂合左師善守先代子產善相小國。

觀射父論重黎

國語



昭王問於觀射父曰周書所謂重黎實使天地不通者何也若無然民將能登天乎對曰非此之謂也古者民神不雜民之精爽不愾貳者而又能齊肅衷正其知能上下比義其聖能光遠宣朗其明能光照之其聰能聽徹之如是則明神降之在男曰覲在女曰巫是使制神之處位次主而爲之牲噐時服<sub>四時之服</sub>而後使先聖之後之有光烈而能知山川之號高祖之主宗廟之事昭穆之世齊敬之勤禮節之宜威儀之則容貌之崇忠信之質禋潔之服而敬恭明神者以爲之祝使名姓之後<sub>族</sub>能知四時之生犧牲之物玉帛之類采服之儀噐器之



量次主之度屏攝之位

屏屏風也攝形如今之要廟壇皆所以分別尊卑為祭之位

場之所上下之神氏姓之出而心率舊典者為之宗於

是乎有天地神民類物之官謂之五官各司其序不相

亂也民是以能有忠信神是以能有明德

降福不為災

民神

異業敬而不瀆故神降之嘉生民以物享禍災不至求

用不匱及少皞之衰也九黎亂德民神雜糅不可方物

方猶別也物名也

夫人作享家為巫吏無有要質

告

民匱于祀

而不知其福烝享無度民神同位民瀆齊

同

盟無有嚴

威神狎民則不蠲

潔

其為嘉生不降無物以享禍災荐

臻莫盡其氣顓頊受之

代少皞

乃命南正重司天以屬神



命火正黎司地以屬民火當作比使復舊常無相侵瀆是謂

絕地天通地民與天神相通之道其後三苗復九黎之德堯復育

重黎之後不忘舊者使復興之義和是也以至于夏商故重

黎氏世叙天地而別其分位主者也其在周程伯休父

其後也程國伯爵休父其名當宣王時失其官守而為司馬氏寵

神其祖以取威于民曰重實上天黎實下地遭世之亂

幽平以下而莫之能禦也不然夫天地成而不變何比之有

觀射父論祀國語

子期祀平王祭以牛俎於王致牛俎於昭王王問於觀射父曰

祀牲何及對曰祀加於舉舉人君朔望之盛饌天子舉以大牢牛羊

禮舉且詞



豕祀以會

三大牢舉四方之貢

諸侯舉以特牛祀以大牢卿舉以

少牢

羊

祀以特牛大夫舉以特牲祀以少牢士食魚炙

祀以特牲庶人食菜祀以魚上下有序民則不慢王曰

其小大何如對曰郊禘不過薦栗烝嘗不過把握王曰

何其小也對曰夫神以精明臨民者也故求備物體具而精

者不求豐大是以先王之祀也以一純二精王三牲

四時五色六律七事

天地民四時之務

八種

八音

九祭

九州助祭十日

甲至

十二辰

子至亥

以致之

致神

百姓

官受姓者

千品萬官億醜

類兆民經入咳數以奉之

天子之田九畝以食兆民王取經入以食萬官也明

德以昭之

孝

敬餼聲以聽之以告徧至則無不受休毛以



示物色

血以告殺接誠拔取以獻其為齊敬也

接誠於神拔毛

取血獻其備物也

敬不可久民力不堪故齊肅以承之王曰芻

豢幾何對曰遠不過三月近不過浹日

王曰祀不可

以已乎對曰祀所以昭孝息民

使民蕃息也

撫國家定百姓

也不可以已夫民氣縱則底

箸

底則滯滯久不震

懼生

乃不殖是用不從

不從上令

其生不殖不可以封

國是以古

者先王日祭月享時類歲祀諸侯舍日

有月享

卿大夫舍

月

有時祭

士庶人舍時

歲乃祀

天子徧祀群神品物

若八蜡所祭猶

虎昆蟲之類

諸侯祀天地三辰及其土之山川

祀天地者謂夏商之後統

承先王得郊祀而配以其祖非他諸侯比

卿大夫祀其禮

五祀及祖所自出

士庶人



不過其祖日月會于龍鬣龍尾土氣含收地氣降天明昌作

大氣升百嘉備舍物皆入室群神頻行欲求食國於是乎烝嘗家

於是乎嘗祀百姓夫婦擇其令辰奉其犧牲敬其齎盛

潔其糞除慎其采服禋其酒醴帥其子姓從其時享虔

其宗祝道其順辭以昭祀其先祖肅肅濟濟如或臨之

於是乎合其州鄉朋友婚姻比爾兄弟親戚於是乎弭

其百苛姤其讒慝弭止也姤覆也謂解怨除恨之辭合其嘉好結其親

暱億安其上下以申固其姓上所以教民虔也下所以

昭事上也天子禘郊之事必自射其牲王后必自舂其

粢諸侯宗廟之事必自射其牛刲羊擊豕夫人必自舂



其盛

上言染下言盛互文也

况其下之人其誰敢不戰戰兢兢以

事百神天子親春禘郊之盛

帥后春之

王后親操其服自公

以下至於庶人其誰敢不齊肅恭敬致力於神民所以

攝固者也若之何其舍之也

王孫圉論楚寶

國語

王孫圉聘於晉定公饗之趙簡子

鞅

鳴玉以相問於王

孫圉曰楚之白珩

佩上橫者

猶在乎對曰然簡子曰其為寶

也幾何矣

幾世

曰未嘗為寶楚之所寶者曰觀射父能作

訓辭以行事於諸侯使無以寡君為口實

毀弄也

又有左

史倚相能道訓典以叙百物以朝夕獻善敗於寡君使



寡君無忘先王之業又能上下說乎鬼神順道其欲惡

使神無有怨痛于楚國又有藪曰雲

雲夢澤

連徒洲

連屬

木竹箭之所生也龜珠齒角皮革羽毛所以備賦用以

戒不虞者也

龜備吉凶珠禦火災角爲弓弩象齒爲弭皮虎豹皮也以爲茵韃革犀兕也以爲田

胃羽鳥羽以爲旌旄毛牛尾以注竿首

所以共幣帛以賓享於諸侯者也

若諸侯之好幣具而導之以訓辭有不虞之備而皇神

相之寡君其可以免罪於諸侯而國民保焉此楚國之

寶也若夫白珩先王之玩也何寶焉圍聞國之寶六而

已聖能制議百物以輔相國家則寶之

人在玉足以庇廕

嘉穀使無水旱之災則寶之

祭祀用王

龜足以憲臧不則寶



說寶鄭重稠疊  
可愛

五卷

詩論

七十六

楚

之善惡珠足以禦火災則寶之金足以禦兵亂則寶之  
山林藪澤足以備財用則寶之若夫華鬘之美楚雖蠻  
夷不能寶也微刺簡子

申包胥論戰事

吳國語

申包胥使於越越王句踐問焉曰吳國爲不道求殘我  
社稷宗廟以爲平原弗使血食吾欲與之徼天之衷唯  
是車馬兵甲卒伍旣具無以行之請問戰奚以而可包  
胥辭曰不知主固問焉乃對曰大吳良國也能博取於  
諸侯敢問君王之所以與之戰者王曰在孤之側者觴  
酒豆肉簞食未嘗敢不分也飲食不致味聽樂不盡聲



越欲報吳誠可  
謂切也勤苦故  
包胥屢困其辭  
慮而以智仁勇  
發之沛然矣

求以報吳願以此戰包胥曰善則善矣未可以戰也王  
曰越國之中疾者吾問之死者吾葬之老其老慈其幼  
長其孤問其病求以報吳願以此戰包胥曰善則善矣  
未可以戰也王曰越國之中吾寬民以子之忠惠以善  
之吾修令寬刑施民所欲去民所惡稱其善掩其惡求  
以報吳願以此戰包胥曰善則善矣未可以戰也王曰  
越國之中富者吾安之貧者吾予之救其不足裁其有  
餘使貧富皆利之求以報吳願以此戰包胥曰善則善  
矣未可以戰也王曰越國南則楚西則晉北則齊春秋  
皮幣玉帛子女以賓服焉未嘗敢絕求以報吳願以此



戰包胥曰善哉蔑以加焉然猶未可以戰也夫戰知為  
 始仁次之勇次之不知則不知民之極無以銓度天下  
 之衆寡不仁則不能與三軍共饑勞之殃不勇則不能  
 斷疑以發大計越王曰諾

沈諸梁議選將

左傳哀公十七年

白公之亂

太子建之子勝避禍在吳楚令尹子西召之  
 亂為白公因作亂殺子西而劫惠王葉公討平

之陳人恃其聚而侵楚楚既寧將取陳麥楚子

惠問帥

於大師子穀與葉公諸梁子穀曰右領差車與左史老

皆相令尹

子司馬期

以伐陳其可使也子高

諸梁字

曰率

賤民慢之懼不用命焉子穀曰觀丁父都俘也

楚武王伐郢所



武王以為軍率是以克州蓼服隨唐大啓群蠻彭仲

爽申俘也

楚文王克中所獲

文王以為令尹實縣申息朝陳蔡

封畛於汝唯其任也何賤之有子高曰天命不謫疑令

尹有憾于陳

子西伐吳陳使貞子弔吳故以此為恨

天若亡之其必令尹

之子是與

子西之子公孫朝也

君盍舍焉

告右領與左史

臣懼右領與左

史有二俘之賤而無其令德也王卜之武城尹

朝古使

帥師取陳麥陳人御之敗遂滅陳

○吳

季札論樂

左傳襄公二十九年

公子札來聘

治通魯

請觀於周樂使工為之歌周南召南

吳子使季札來聘公較以為賢

三



之劉胡張三子  
則以為與蓋謂  
書法無異於闕  
越叔曰之術故  
深求其過以論  
之曰重札讓國  
之事誠未易論  
但觀之論樂與  
論諸國大夫賢  
乎不賢乎豈其  
熟於考古昧於  
從時明於責人  
暗於治已乎昔  
人看春秋有且  
將胡文定說為  
正者蘇子由教  
之只讀左傳亦  
有小曉此之謂  
也

曰美哉始基之矣王化猶未也以有紂未然勤而不怨

矣文王憂勤政事為之歌邯鄲衛曰美哉淵乎憂而不困者也

衛康叔武公德化深遠雖遭宣公淫亂懿公滅亡民猶秉義也吾聞衛康叔武公之德

如是是其衛風乎為之歌王離曰美哉思而不懼其周

之東乎猶有先王之遺風為之歌鄭曰美哉其細已甚政事煩瑣民

弗堪也是其先亡乎為之歌齊曰美哉泱泱乎弘大大

風也哉大國之風表東海者其大公平國未可量也為之歌

豳曰美哉蕩乎樂而不淫其周公之東乎遭流言之變居東為

之歌秦曰此之謂夏聲起自西戎至秦仲始用諸夏之樂夫能夏則大

太之至也其周之舊乎秦襄公至周東遷盡取西周之地故云為之歌魏



曰美哉風風乎

中肅之聲

大而婉險而易

驗當行

以德輔此

則明主也

惜其國小無明君

為之歌唐曰思深哉其有陶唐氏

之遺民乎不然何憂之遠也非令德之後誰能若是為

之歌陳曰國無主

淫聲放蕩無復畏忌

其能久乎自鄆以下無譏

焉

微也

為之歌小雅曰美哉思而不貳

思文武

然而不言

紂其周德之衰乎猶有先王之遺民焉

非周德之小以紂餘俗故未

大為之歌大雅曰廣哉熙熙乎曲而有直體其文王之

德乎為之歌頌曰至矣哉直而不倨曲而不屈邇而不

偪

謙遠

而不攜

貳遷

而不淫復而不厭

新日哀

而不愁

樂而不荒

節有用

而不匱

弘廣

而不宣

顯自

施而不費取而

論詩歸重於頌  
論樂歸重於韶  
如百川爭流忽  
離沮湧非季札  
固不能以洞達  
古今非左氏又  
豈能以鍾叙曲



不貪處而不底

守之以道行而不流

制之以義

五聲和八風平節

有度

克守有序

盛德之所同也見舞象割南籥者

曰美哉猶有憾

恨不及已

見舞大武者曰美哉周之盛

也其若此乎見舞韶濩者曰聖人之弘也而猶有慙德

聖人之難也

難於處變

見舞大夏者曰美哉勤而不德非禹

其誰能修之見舞韶箛者曰德至矣哉大矣如天之無

不疇也如地之無不載也雖甚盛德其蔑以加於此矣

觀止矣若有他樂吾不敢請已

杜氏曰季子賢明才博在吳雖已涉見此樂歌

之文然未聞中國雅聲故請作用樂欲聽其聲然後依

聲以參時政知其興衰也聞秦詩謂之夏聲聞頌曰五

聲和人風平管

論聲以參政也



屈狐庸論季札 左傳襄公三十一年

趙武是答既知

民人知國又知

季子

吳子夷使屈狐庸聘于晉趙文子武問焉曰延州來季

子延陵州來其果立乎巢隕諸樊諸樊門于巢閹戕戴

吳餘祭觀舟閹天似啓之何如對曰不立是二王之命

也非啓季子也若天所啓其在今嗣君乎夷甚德而度

德不失民度不失事民親而事有序其天啓也有吳國

者必此君之子孫實終之季子守節者也雖有國三兄

不立

○越

五大夫議伐吳 國語



越王句踐召五大夫

舌庸苦成大夫種范蠡皐如

曰吳為不道來殘

我社稷宗廟以為平原不使血食吾欲與之徼天之衷

唯是車馬兵甲卒伍既具無以行之吾問於王孫包胥

既命孤矣

楚申包胥聘越句踐亦與論伐吳事而與其可

敢訪諸大夫問戰奚

以而可句踐願諸大夫言之皆以情告無阿孤孤將以

舉大事大夫舌庸乃進對曰審賞則可以戰乎王曰聖

大夫苦成進對曰審罰則可以戰乎王曰猛大夫種進

對曰審物

旌旗之屬

則可以戰乎王曰辯大夫蠡進對曰審

備則可以戰乎王曰巧大夫皐如進對曰審聲

鐘鼓進退之聲

則可以戰乎王曰可矣

於是出師伐吳吳人三戰三北遂入吳滅之

勝  
得衆謀以戰故



○ 郟

郟子論官

左傳昭公十七年

郟子來朝公

昭

與之宴昭子

姑

問焉曰少皞氏鳥名官

何故也郟子曰吾祖也我知之昔者黃帝氏以雲紀故

為雲師而雲名

以有雲端

炎帝氏以火紀故為火師而火名

以有火端

共工氏以水紀故為水師而水名

以有水端

大皞氏以

龍紀故為龍師而龍名

以有龍端

我高祖少皞摯之立也

摯名

鳳鳥適至故紀於鳥為鳥師而鳥名鳳鳥氏歷正也

知天

時玄鳥氏司分者也

燕以春分來秋分去

伯趙氏司至者也

伯勞以夏

至鳴冬至上

青鳥氏司啓者也

鵲以立春鳴立夏止

丹鳥氏司閉者



也鷺雉以立秋祝鳩氏司徒也性孝雉鳩氏司馬也擊而有別

鳴鳩氏司空也平心爽鳩氏司寇也鷹性鵓鳩氏司事也

鵓春來五鳩鳩聚民者也五雉為五工正西方曰鷦雉

南方曰翟雉北方曰鷦雉伊洛之南曰暈雉五工利器

用正度量夷平民者也九扈為九農正春扈鵓鵓夏扈

冬扈竊黃棘扈竊丹行扈喈喈宵扈噴噴桑扈竊脂老

扈鷦鷯九農曰趣耕曰趣耘曰趣收曰趣藏曰為巢驅

鳥曰晝為民驅鳥曰夜為農驅扈民無淫者也自顓頊

以來不能紀遠乃紀於近為民師而命以民事則不能

故也不能致仲尼聞之見於郊子而學之既而告人曰

吾聞之天子失官不修學在四夷猶信

學無常師仲尼  
且然天子失官  
學在四夷感格  
深矣孔子欲居  
九夷而言夷狄  
之有君不如諸  
夏之無於此耶  
說更見悼世之  
心



左粹類纂卷之五

終











